

袁蔣趙三家詩選上



上海文書局發行

最 適 初 學 之 讀 本

# 歷代詩評註讀本

六大特色

一 選擇精當

二 評註詳允

三 音釋明白

四 體例完備

五 興味濃郁

六 淺深有序

古詩評註讀本

全二冊 價洋四角

唐詩評註讀本

全二冊 價洋四角

宋元明詩評註讀本

全二冊 價洋四角

清詩評註讀本

全三冊 價洋六角

各省中華書局代售 8元

羅剛教授遺書

袁才子詩選

上海文明書局發行







470471

袁蔣趙三家詩選序

清代詩人輩出，至乾隆朝，門戶大開，壇坫高張，允稱極盛。而袁蔣趙三家，乃揚鑱並轡，角勝競雄於其際。三人官位不同，行誼亦異，而解組之後，一致力於著述，則不謀而合。三人不尋以詩見，而就詩論詩，袁主性靈，以了悟小兒天口成語，往而不擇，人不擇地而施，而爛漫天真，自然可愛。趙於才思，以茲趙壯士微嫌劍拔弩張，而少雄視一世，不可抑勒之概。要能呶呶嚙嚙，磨磨小言者，所能頡頏蔣則非。若格調如磬，言必信行必果，而不違古法，不背昔趨，息深逆，疊饒有神，動天隨之致，淺識之子，挾拘墟之見，肆輕信之辭，詎袁之。法浮世，失法獷，蔣失法腐，袁之所言，將盡取古來詩人而一之，拚彈之，疵議之以韓孟為澁，物虛李為險怪，兒白為佻易，溫韓為佻逆，款求體有完膚之難矣。予地敢諱三家之短，而要必汲三家之長，本編



所選此物此志摛精華而去糟粕所謂去其浮沙其腐者當  
為三先生一言此証矣竊謂清代詩人之能引人入勝而使人學步  
者莫合於三先生先路之導生左斯乎其左斯乎予於三先生集自  
警齡迄今口為之沫手為之胝矣嗜之深故知之悉用敢率其所信  
而慨乎言之

民國六年二月吳興王文濡識



袁簡齋先生事略

先生諱枚字子才號簡齋錢塘人年二十一省叔父於廣西巡撫金公鉉試以銅鼓賦立就奇之會開鴻詞科即舉先生應 詔時海內徵士二百餘人惟先生最少試報罷旋舉乾隆三年順天鄉試次年成進士選庶吉士散館以知縣用初試溧水調江浦沐陽再調江寧先生為政坐堂皇任吏民白事有小訟獄立判遣多設耳目方略集鄉保詢盜賊及諸惡少姓名出所簿記相質證使不能隱則榜其姓名許三年無犯滯雪之奸民皆斂迹時尹文端為總督知先生才遇事得盡其能既而引疾家居再起發陝西與黃制軍廷桂不合乞病歸年甫四十絕意仕宦闢隨園江寧城西足跡造東南山水佳處皆徧其瑰奇幽邃一發於文章以自喜其意四方士至江南必造隨園投詩文無虛日其園館水石幽深靚麗至櫺檻器具皆精好所以待賓客者甚盛尤喜獎借後進詩文一言之美輒舉其詞為人誦焉先生古文四六體皆能自發其思詩能縱才力所至世人心所欲出不能達者悉為達之故隨園詩文集上自公卿下至市井負販皆重之先生身長鶴立性通脫時有近於蕩佚處然其天性最篤事母孝友於姊弟母年九十四乃終迎養寡姊年至九十妻亦白髮齊眉有三



妹皆能詩嘗為亡友沈凡民鳳司祭掃三十年如一日程編修晉芳死負五千金往  
弔焚其券且翼其孤其風義又如此卒於嘉慶二年十一月年八十有二著有小倉  
山房集

蔣心餘先生事略

蔣先生士銓字心餘一字苔生號清谷江西鉛山人父堅字適園有奇節先生四  
歲母鍾授以四子書及唐人詩鍾號甘荼老人著有柴車倦游集先生天稟英絕有  
覽輒記乾隆丁卯舉於鄉甲戌考授中書丁卯進士選庶吉士授編修在官八年乞  
假養母歷主戢山崇文安定三書院灑然有終焉之志初入京師時才名藉甚表文  
達以先生與彭文勤並薦及文勤召見高宗屢問蔣某何在文勤以母老對高宗賜  
文勤詩兼及先生有江右兩名士之目先生感主知母服除入都以御史用旋患風  
痺還南昌先生秀眉長身風神散朗而激揚風義甄拔寒畯有古烈士風遇忠孝節  
烈事輒長歌紀之淒滄激楚使人雪涕遇不可於意雖權貴幾微不少假借趨人急  
若鷲鳥之發恩鯨寡者艾無所靳在戢山時力言於大府借帑修治三江閘曰事雖  
非山長責然食越人粟則視越人如一家焉有駱生者負鹽課客死先生連夜作十



三札飛遞嶺南俾其孀孤扶六櫬得歸詩古文詞負海內盛名而最擅長莫如詩古詩勝近體七言尤勝蒼蒼莽莽不主故常高麗使臣嘗餉墨四笏求其樂府以歸卒年六十一著忠雅堂文集十六卷詩集三十卷銅絃二卷填詞九種

### 趙甌北先生事略

趙先生翼字耘松號甌北江蘇陽湖人乾隆十五年舉順天鄉試三十六年成進士進呈一甲第一韓城王文端杰居第三清高宗以開國以來陝西未有第一人遂與文端互易以編修任撰文修通鑑輯覽尋授鎮安知府地居廣西極邊民醜訟簡而倉穀出入吏緣為奸先生痛革其弊鎮民悅服辛卯擢貴西道坐他獄降秩用遂乞養歸生平屢參戎幕剿緬甸平臺灣多所贊畫為李侍堯傳恒所倚重先生口不言功淡於祿仕解組後遊武夷徧歷浙東山水一發之於詩先生固善詩與袁簡齋蔣心餘兩先生齊名嘉慶庚午重賦鹿鳴又四年卒年八十有八先生家居數十年手不釋卷著廿一史劄記三十六卷皇朝武功紀盛四卷陔餘叢考四十三卷甌北詩集五十三卷簷曝雜記六卷十家詩話十二卷



經悲哉陳與竇。謀疎功不成。其時涼州反。有人頌孝經。意欲口打賊。賊聞笑不勝。雖無補國家。尚未遠人情。一變至南宋。佛行而儒名。希哲學。主靜人死。不聞聲。魏公敗符離。自夸心學精。殺人三十萬。於心不曾驚。似此稱理學。何處託生靈。嗚呼孔與孟。九泉涕沾纓。

### 李名世秀才

我聽漂邑訟。有客戴儒冠。日日立堂下。如石點頭看。疑是攘獄者。來探鞫刺端。覺不干我事。姑且聽其然。亡何我改邑。驅車出郊外。此人伏草中。奔向車前拜。云是高瀆人。偶來漂邑界。愛我聽訟明。賃屋居此間。日聽一二事。歸與父老傳。我方拱手謝。彼復攏袖言。餉朱提八流。願當劉寵錢。拒之復淚下。受之我茫然。從此一為別。騰身如雲烟。感君好善心。愧我酬恩意。冥冥三十年。惻惻至今記。記得門狀書。秀才李名世。章亦周秀才。與山僧同迎。至硃砂峯下。

老僧揖我右。秀才揖我左。儒釋一齊迎。不覺笑言瑳。秀才負高懷。久斷紅塵鎖。時時抱孤琴。到此峯頭坐。彈開雲數重。驚落花幾朵。不負山外山。真乃可人可。始知曠達人。世間不止我。



袁子才詩選

五古

詠史 六首錄四

武帝英雄主。叱咤動八荒。旌旗十八萬。遺恥雪高皇。馬來大宛國。頭懸南越王。秋風歌一曲。援筆能文章。汲黯老匹夫。山東一木強。作令便為恥。積薪語更剛。動請先斬臣。批鱗相抵當。當時竟殺汝。如鼠投沸湯。不冠而見之。於帝更何傷。帝終不出此。容黯老淮陽。吾嘗掩書卷。此處長思量。公孫帝西蜀。馬援來叩門。為設舊交位。不忘主與賓。過車必磬折。贈衣周寒溫。援乃退而笑。子陽妄自尊。後世有蕭韶。且忘斷袖恩。士遜託心期。終招顏竣嗔。人貴如輪迴。都忘前世因。長拜井底蛙。公然古之人。子房非正士。可傳惟一椎。自見黃石公。陰險靡不為。為韓非。其心滅韓。皆其計。不肯立六國。韓宗遂隕地。野雉幸辟陽。夫妻義已絕。立賢不立長。殷周有成迹。胡為召四皓。為之張羽翼。老人見厚幣。來如飛鳥捷。龍準木強人。傷哉為所劫。長陵骨未寒。殺子及其妾。北門奪軍時。四皓骨已朽。借使木未拱。能安劉氏否。報韓既不成。報漢復何有。所以子辟疆。竟請諸呂王。誰能為此謀。貽謀自子房。東漢恥機權。君子多磬



經悲哉陳與竇。謀疎功不成。其時涼州反。有人頌孝經。意欲口打賊。賊聞笑不勝。雖無補國家。尚未遠人情。一變至南宋。佛行而儒名。希哲學主靜。人死不聞聲。魏公敗符離。自夸心學精。殺人三十萬。於心不曾驚。似此稱理學。何處託生靈。嗚呼孔與孟。九泉涕沾纓。

李名世秀才

我聽漂邑訟。有客戴儒冠。日日立堂下。如石點頭看。疑是攘獄者。來探鞫刺端。覺不干我事。姑且聽其然。亡何我改邑。驅車出郊外。此人伏草中。奔向車前拜。云是高瀆人。偶來漂邑界。愛我聽訟明。賃屋居此間。日聽一二事。歸與父老傳。我方拱手謝。彼復攏袖言。餉米提八流。願當劉寵錢。拒之復淚下。受之我茫然。從此一為別。騰身如雲烟。感君好善心。愧我酬恩意。冥冥三十年。惻惻至今記。記得門狀書。秀才李名世。章亦周秀才。與山僧同迎。至硃砂峯下。

老僧揖我右。秀才揖我左。儒釋一齊迎。不覺笑言瑳。秀才負高懷。久斷紅塵鎖。時時抱孤琴。到此峯頭坐。彈開雲數重。驚落花幾朵。不負山外山。真乃可人可。始知曠達人。世間不止我。



歸家即事

初四出官署。二十整行裝。三十抵烏鎮。初一入錢塘。錢塘到家近。心急路轉長。離鄉忘鄉音。入耳翻個張。閩者問名姓。小犬吠籬旁。主人不復顧。直趨上中堂。阿姊扶阿父。老妻扶阿娘。眾語一齊向。雜語聲滿房。阿母向我言。為兒道家常。我老多疾病。且喜無所妨。不如汝之父。秩膳口頗強。自汝出門後。諸親如水涼。三妹抱瑤琴。悔嫁東家王。四妹婿遠遊。李蘭尸祭忙。汝孀自粵歸。祀竈無黃羊。舅家風淒淒。滿屋堆靈床。告汝各甘苦。便汝相扶將。阿母言且行。手自羅酒漿。阿父為我言。望兒穿眼眶。昨得一口信。道汝頗周詳。初四出官署。二十整行裝。三十抵烏鎮。初一入錢塘。新官初攝篆。米穀猶在倉。三舖與四舖。廩人未收糧。汝今雖歸家。何能長居鄉。汝食大官俸。我得屋東廂。汝仰視楹棋。千金甯低昂。荷花三十里。陰柏復沿塘。金丸小木奴。冉冉自垂黃。老人手所植。待兒歸來嘗。我將行赴園。有人牽衣裳。一妾抱女至。牙牙拜爺旁。佯怒告訴爺。索乳頗強梁。一妾作低語。外婦宿庚桑。君母忘管蒯。專心戀姪姜。老妻笑啞啞。打開雙青箱。謂當獲金珠。而乃空文章。阿母欲我息。吹去蠟燭光。明日大母墳。長跪奠穀觴。孫兒十八歲。懷抱猶在床。今兒得官歸。古墓生白楊。嗚呼蒼天恨。此



恨何時忘。後日走西湖。帶雨觀湯湯。我行周四獄。畢竟此無雙。悠悠笑語過。忽忽燈  
節忙。此身不自持。呼僕買舟航。阿母留兒子。一日如千場。勸兒加餐飯。為兒備餼糧。  
家園笋似玉。手烘如飴糖。春茶四十挺。片片梅花香。阿父不受拜。但指鬢邊霜。妻妾  
無所言。含淚不成妝。惟問幾時歸。君歸我可望。阿妙出簾拜。甥兒要同行。叔母亦唧  
唧。阿品交與兄。兩郎俱年少。初生別離腸。親朋來一送。軟語都未遑。蕭蕭北門關。行  
李。搖夕陽。慈烏哺復去。脊令聚復翔。鴛鴦折荷葉。織女望河梁。浮雲為鬱結。驪駒為  
傍徨。人生天地間。哀樂殊未央。

### 遣懷

唐時有李叟。行善夫妻偕。朝供千夫膳。暮設八關齋。精修二十年。果然天門開。峨峨  
金甲神。稱天問所懷。念汝良苦志。償汝所由來。貴可金張位。富可倚頓財。憑汝擇於  
斯。天將為安排。叟乃再拜言。均非臣所欲。臣好在讀書。臣志在行樂。堂前羅牙籤。屋  
後多水竹。掃地靜焚香。侍者顏如玉。如此了一生。雖死臣亦足。金神搖手笑。汝乃大  
癡矣。此是神仙福。上界重無比。不比富與貴。擾擾忽忽耳。十洲三島仙。賜者能有幾。  
汝再修三生。來請玉皇旨。孫郎年十七。手揮江東戈。元裳披金甲。豺狼俱盪磨。百



姓震威名。魂魄生驚波。忽見美少年。談笑春風和。秋毫不曾犯。遠邇相謳歌。襲許迎天子。頃刻取山河。人云太輕身。王業終蹉跎。我道命存焉。成敗難詆呵。漢高七十二。中箭何其多。蕭王最持重。亦復困滹沱。嘆息復嘆息。英雄如天何。

桃源路尤險。霞裳有難色。余勇進至會仙石。遇雨而返。

桃源無路行。行者孰敢先。我獨勇從之。垂老性命賤。初階方寸崖。再凌千仞澗。踏石石欲動。跨水水復濺。五步一峰轉。十步一峯變。重重天塹形。幅幅屏風面。神光果離合。青紅遞隱現。神女示人難。不肯輕相見。喜到會仙石。洞門開一綫。其奈山靈慳。飛雨急如箭。衣濕身難禁。峰壓目屢眩。既無胡麻餐。空有冷雲嚙。只好燕溪歸。殘桃拾一片。

哭柴耕南

君家行之姪。交我方垂髫。因之得見君。如漆初投膠。君年過三旬。玉骨森清標。爛爛巖下電。溫溫席上瑤。我來纔十八。墜地虎子驕。意氣欲摩天。落筆尤嘐嘐。樹無大根本。水有狂波濤。豎旗不書降。逢戰必欲鏖。武林老名宿。憎其年少佻。飛言如雨攻。赤舌將城燒。君喏曰否否。此子終凌霄。孤山梅花榻。西泠楊柳橋。為渴置茗具。為飢設臠燒。賢兄洪都來。卓犖人中豪。以愛及所愛。握手如同胞。我時賦西征。寒冬無敝貂。



賢凡資我行。長江為買舫。釣臺攜手登。膝閣同車邀。或聯韓孟韻。或賭舍人臯。高安官署中。諧語窮昏朝。此時燈燭光。至今如隔宵。贈我赤側金。纔得揚征鑣。桂林金中丞。專章薦封敎。從此走長安。奮翮登金鰲。改戴惠文冠。鳴騶行江臯。君來助相理。除苛更解燒。以我所贈資。却買吳娃嬌。亡何棄之去。南觀湘江潮。余亦賦遂初。小隱歸山椒。從此隔東西。芳訊久寂寥。丙子冬十月。忽寄書相招。代持萋萋帛。勸麾孑孑旄。余方奉老母。五斗難折腰。奚能擁皋比。遠走楚粵郊。此事竟掉磬。此心猶鬱陶。忽聞怛化去。同人先號咷。未知返櫬無。何處掩蓬蒿。未知有兒否。誰為守宗祧。因之感我懷。掄指自抑騷。四十九年中。何者常怛怛。蒼生君相在。久已心中拋。文章身後名。於我浮雲飄。惟有數知己。恩深淚難消。傾蓋猶繾綣。刳乃弱冠交。問我推解情。已漸范叔袍。問我死生諾。又慚左伯桃。來生為兄弟。此權非我操。泉路盡交期。此說終虛要。惟有託豪素。長歌一慟號。梗概略抒寫。風雨聲刁騷。

### 悼花

梅花盛開時。杏花若相覲。杏花正紅酣。海棠有爭意。一花復一花。循環作交替。容華非不佳。過者便憔悴。春風非無情。不能將花繫。開落曾幾時。在花如一世。旁有看花



人。淒然自隕涕。

齒痛

百年過四旬。老狀一齊赴。但願無所苦。聾盲任所付。惟茲齒兩行。朝夕待汝哺。相鼠尚有牙。飛鳥豈無喙。編排三十二。落落晨星布。隊缺眾乃搖。左移右不固。忽弱一個。馬墳起血沮。如臨食。輒三嘆。呼晷每百度。投梭哺益悲。漱石礪如鋸。似屐入門折。為牛孺子仆。元謨眉不伸。丞相茵屢吐。類炙十重艾。勝飲三斗醋。說士不覺甘。噉名亦無趣。調語便聾牙。反唇如有訴。徒搖子公指。愁對亞夫箸。嗟嗔為已占。大烹向人妬。龍碗起復行。呻吟朝至暮。五漿三飯時。隙罅難調護。狼藉小稊稗。如入大盈庫。已困楚人鉗。復作黨人捕。急命大老嫗。發難學鼃錯。金簪為戈矛。冰麝為俞跗。蠕蠕黃頭蟲。擒出竟無數。客容既甚猛。尸汝猶可怖。譬如漢宦官。雖誅國已蠹。次日嚼復嚼。痛止齟恰腐。又如買臣妻。苦留終欲去。欲去未去間。勃谿終日怒。吐哉汝朽骨。無情心不恕。我雖仗汝餐。汝亦得我助。弱冠啖紅綾。韶光不汝誤。有時拈花笑。莞爾將汝露。談天吐玉屑。觀畫設寒具。似我作居停。將子亦毋數。胡為憎酸醜。瓜葛全不顧。三餐自作孽。四十已見惡。其餘編貝公。效尤更可慮。勸齒學宰相。伴食且餐素。毋學小丈



夫悻悻不肯住。更學古君子。絕交須念故。毋學暴富兒。登時棄瓦注。叩汝一千回。賜汝三日哺。吾將鳴天鼓。更請黃帝鑄。

七古

周孝侯斬蛟臺

父老談惡蛟。將軍磨寶刀。刀光入水人。不見格鬪。三日風蕭蕭。手提蛟頭。拔浪起。蛟血淋漓紅滿體。兩患雖除一患存。擲刀從此讀書矣。初師陸士龍。再討齊萬年。一時文武才。非公誰兼全。孤軍陷入窮邊慘。杖節掀髯死無憾。可惜朱雲請劍遲。佞臣不與蛟同斬。鄉人高築上一邱。至今盛夏涼如秋。五百毒龍過此愁。猶恐將軍在上頭。

題柳如是畫像

生綃一幅紅妝影。玉貌珠冠方繡領。眼波如月照人間。欲奪鸞篋須絕頂。懷刺黃門悔誤投。遺珠草草尚書收。黨人碑上無雙士。夫婿班中第二流。絳雲樓閣起。三層紅豆花枝枯。復生斑管自稱詩。弟子佛香同事古。先生勾欄院。大朝廷。小紅粉。情多青史輕。扁舟同過黃天蕩。梁家有个青樓樣。金鼓親提妾亦能。爭奈江南不出將。一朝九廟烟塵起。手握刀繩勸公死。百年此際盍歸乎。萬論從今都定矣。可惜尚書壽正。



長丹青讓與柳枝娘

徐中山王墓

鍾山之陰亂峰起。勢如萬劍青天倚。對山華表如山高。大書中山王葬此。龍碑磨空字百行。銘勲叙戰明高皇。草熏日炙難卒讀。摩挲青石神飛揚。維王二十雲從龍。南狗吳會西崆峒。懸旗莫與子儀敵。張口不談馮異功。一朝威定虎狼都。拔劍廷臣殿上趨。博陸丹青居第一。汾陽甲第賜千區。從來烏兔哀弓狗。誰把兵權釋杯酒。尉遲老計託青商。亞父危機撾玉斗。半夜吳王舊邸開。將軍大醉誰遣來。醒叩階前呼萬死。從此臣心照天子。北平軍老朔風殘。上將妖星刁斗寒。可憐恩賜黃銀帶。尚有人傳白馬肝。唐皇絳帛招難起。晉武鬚眉淚不乾。祈連高塚橋山側。昭陵弓劍同嗚咽。一代風雲竟始終。千秋花鳥催寒食。野火光燒鐵券文。杜鵑紅染金創血。遊客淒涼淚盈把。松鼠僊僊騰古瓦。欲拾殘槍問戰功。敲火牧童騎石馬。

嘉靖四年酒

世間老物無不有。嘉靖四年一甕酒。甕面泥封字數行。光祿中丞人某某。罌高三尺酒一尺。逃盡酒魂存酒魄。想見當年議禮時。爛醉鈞天無醒客。膩如膠漆丹如霞。香



氣能開十里花。酒人欲飲不敢飲。未染一指先千嗟。我最畏飲勇忽賈。僂僂願逐化人舞。三杯吞盡兩朝春。心腹腎腸一齊古。

題金正希先生畫達摩圖

正希先生發清興。雲藍剪紙如圓鏡。畫作達摩面壁形。高坐枯龜呼不應。泥金鈎髮蔓尾拳。側筆裁衣蟬翼勁。人疑道子以墨戲。或道無功將佛佞。以指喻馬隔兩塵。援儒入墨殊非稱。誰知先生畫佛即畫心。直是誠通非貌敬。事惟詣極方參元。思不出神難入聖。當其為文慘淡時。天外心歸功未竟。顏淵專精能坐忘。維摩憔悴常示病。絕無意想結空花。那有風泉攪清聽。眉毫禿盡腸欲流。三才萬眾同參證。較彼蒲團枯坐人。禪理文心果誰勝。寫靜者相示眾人教。用忍功先鍊性碧山烟。去月纔明秋水風。停波自定文人學。佛即升天才子談禪多。上乘我為增題墨數行。勝補雲堂一聲磬。

神山引 康熙十五年事

楊生泛海海風作。千船萬船水中落。楊花抱得一桴浮。閉眼憑他駭浪流。日暮風停桴泊島。上有神山兩字好。金碧參差屋數間。分明玉指彈冰絃。花裏雲鬟驚有客。風



中琴響漸闌珊。一人玉貌來相見。說住瓊州說姓晏。喜遇崔盧中表親。速張王母瑤池讌。夫人手整曉霞妝。道是兒姑第十娘。先詢阿母顏何似。再問眉牕樹可長。不仗蛟螭翻海水。那能骨肉會龍荒。山前山後教生到。烟草芬芳花月妙。生言歸去挈家來。姑母姑夫但微笑。取出青琴彼此彈。天風拂拂海漫漫。新成一曲雲仙謫。聽去雖難學不難。夜深珠露涼風竹。兩美雙雙樓上宿。只留小婦伴銀燈。未免偷桃學方朔。忽呼粉蝶婢名聲。如惱驚去雙趺奔悄悄。聽得仙姑苦勸聲。塵心已動緣須了。不如折與小桃花。隨他春向人間老。明朝相見臉先紅。只說歸心一夜濃。仙郎餞別丹三粒。仙女親題信一封。豈不相留情款款。其如人世太匆匆。解下湘裙覆船上。道兒此去應無恙。萬頃琉璃六幅風。蓬萊不忍回頭望。漸漸鄉音入耳聞。迢迢青水變紅塵。滿城親故無多在。已過韶光十六春。衰年大母方愁疾。因由說罷同嗚咽。有婿携妻採藥行。那知此日人天隔。細看裙是嫁時衣。一片香風捲雪飛。錢家生長初笄女。纔說婚姻便相許。迎來果似舊娉婷。苦問三生記不清。偶然彈到雲仙謫。涕淚千行尚怕聽。

到石梁觀瀑布



天風肅肅衣裳飄。人聲漸小灘聲驕。知是天台古石橋。一龍獨跨山之凹。高聳脊背橫伸腰。其下嵌空走怒濤。濤水來從華頂遙。分為左右瀑雨條。到此收束羣流交。五疊六疊勢益高。一落千丈聲怒號。如旗如布如狂蛟。非雷非電非笙匏。銀河飛落青松梢。素車白馬雲中跑。勢急欲下石阻撓。回瀾怒立猛欲跳。逢逢布鼓雷門敲。水犀軍向臯蘭慶。三千組練揮銀刀。四山崖壁齊動搖。偉哉銅殿造前朝。五百羅漢如相招。我本錢唐兒弄潮。到此使人人意也消心。花怒開神理超。高枕龍背持其尻。上視下視行週遭。其奈泠泠雨濺袍。天風吹人立不牢。北宮雖勇目已逃。恍如子在齊聞韶。不圖為樂如斯妙。叶得坐一刻勝千朝。安得將身化巨鰲。看他萬古長滔滔。

三月二十四日偕門生王梅坡舍弟香亭陸甥豫庭遊清涼山逢白下諸君子

有修禊之事為余置別席於南窗醉後大書僧壁

王郎王郎隨我走。樓復一樓看花柳。謂是空山少人跡。忽逢衣冠七八九。念我江城舊長官。殷勤呼童來送酒。此酒竟同天上雨。隨風吹來飛入口。一杯初酌風乍吹。兩杯再酌風吹久。我弟我甥衣裳單。面栗膚僵時縮肘。我生不飲今畏寒。亦復捧杯不放手。南窗大開殊有意。天送長江作酒斗。梧桐葉葉招風翻。綠竹枝枝掃雲帚。萬家



闌闌浮碧空。晚來一片煙光。部嘆息人生會合緣。一酬一酢都非偶。護世城中美膳。天靈山會上。前生友。我與諸公定有因。敢說民爹與民母。只憐不速醉昏昏。忘恰主人姓某某。且題僧壁志高情。不管塗鴉字麤醜。出門更笑問酒人。明年此日還來否。

同金十一沛恩遊棲霞寺望桂林諸山

奇山不入中原界。走入窮邊才逞怪。桂林天小青山大。山山都立青天外。我來六月遊棲霞。天風拂面吹霜花。一輪白日忽不見。高空都被芙蓉遮。山腰有洞五里許。秉火直入衝烏鴉。怪石成形千百種。見人欲動爭嵒嵒。萬古不知風雨色。一羣仙鼠依為家。出穴登高望衆山。茫茫雲海墜眼前。疑是盤古死後不肯化。頭目手足節骨相鈎連。又疑女媧氏一日七十有二變。青紅隱現隨雲烟。蚩尤噴妖霧。尸羅袒右肩。猛士植竿髮。鬼母戲青蓮。我知混沌以前乾坤毀。水沙激盪風輪顛。山川人物鎔在一爐內。精靈騰蹕有萬千。彼此遊戲相愛憐。忽然罡風一吹化為石。清氣既散濁氣堅。至今欲活不得欲去不能。只得奇形詭狀蹲人間。不然造化縱有千手眼。亦難一一施雕鐫。而况唐突真宰。豈無罪何以耿耿羣飛欲刺天。金臺公子酌我酒。聽我狂言呼否否。更指奇峰印證之。出入白雲亂招手。幾陣南風吹落日。騎馬同歸醉兀兀。我



本天涯萬里人。愁心忽挂西梢月。

隴西將軍歌

袁子改官江南行。路逢將軍徐國英。將軍自言隴西住。陰山月黑磨刀處。磨刀殺敵不殺仇。對天呵氣生金秋。少年恥作掾功曹。青海橫行亂舞刀。身披白鎧逢雷鬪。手擊黃獐帶血燒。高麗犯順莫離支。有詔將軍夜出師。其時大雪天三更。雪花打甲鏗有聲。刀光色白火光紅。齊射戎王甲帳中。白骨掃盡髑髏臺。箭聲響振武安宮。殺氣氣隨身化作霧。插花唱過陰山東。歸來萬馬齊昂首。戴着兜鍪殿上走。常呼凌統欲操戈。不拜蕭曹空使酒。銀鑿鐵鎖九天聞。將軍獄吏果誰尊。餘生宛轉君恩重。猶念山河鐵券文。老兵慷慨一何怒。王侯陰喝不敢訴。平生出血幾石餘。背上箭瘢三百處。陰雨金瘡痛未消。新軍已換霍嫖姚。於今流落江湖場。蕭蕭鬢髮漸老蒼。潮水有人呵李廣。燉煌無檄召陳湯。當年麾下僧騰客。列爵紛紛半鼎食。賜宴公然肉拌貂。搏戰何曾手打賊。吁嗟乎將軍言畢我心死。君不見長槍大戟猶如此。

朱草衣寒燈課女圖

牆角春深一樓雨。老燕雌雛作低語。草衣山人四壁空。繞膝呻吟惟一女。貧家贈女



無奩資。只有一本周南詩。女郎伊唔未上口。海棠花下親教之。不願女兒通九經。入宮天子呼先生。只願女兒粗識字。酒譜茶經相夫子。阿母墳邊春草綠。阿翁吟苦家無粟。恰恐春華委逝波。為兒常買三條燭。讀罷殘雞。腦膊鳴茅屋。一丸織女星。

五絕

古意二首

美人看花去。忘却身是花。花如有所知。願開美人家。毋為傖父妻。甯作所懽妾。不見甘蔗生。枝枝從旁出。

古牆

古牆庭院角。經歲樹遮陰。幽絕無人見。青苔作小花。

入天台路上雜詩 四首錄三

一灘復一灘。層層洒急雨。四面寂無人。萬條龍作語。狹路相逢處。牛多人跡稀。採樵肩一撞。落葉滿車飛。怪石當頭壓。清泉與腳爭。與夫如水鳥。終日踏波行。

閒行

折竹當藜杖。閒行過小亭。無人獨自語。溪上一鷗聽。



閒坐

雨久客不來。空堂飛一蝶。閒坐太無聊。數盡春蘭葉。

晚眺三首

窗黑捲簾波。人間奈晚何。登山立高處。貪得夕陽多。萬戶炊烟升。化作一疋布。誰家舉火遲。老鴉知其故。黃瓦鬱層層。人言是孝陵。蕩搖千里目。寶塔一風燈。

夜立階下

半明半昧星。三點兩點雨。梧桐知秋來。葉葉自相語。

苔

白日不到處。青春恰自來。苔花如米小。也學牡丹開。

題畫白頭翁

誰畫白頭翁。一笑不如鳥。生來自白頭。無人嫌汝老。

偶作五絕句

種樹成香國。關門作睡王。近來客解事。都不早升堂。偶尋半開梅。閒倚一竿竹。兒童不知春。問草何故綠。怕見有求客。不栽難畜花。無心作投贈。狂竹入鄰家。月



下掃花影。掃勤花不動。停帚待微風。忽然花影弄。好學原為福。無情不是才。吟詩推客去。開閣放山來。

七絕

讀淮陰侯傳

滅楚身提百萬師。知公含笑了無奇。英雄第一開心事。撒手千金報德時。

謁岳王墓作十五絕句

靈旗風捲陣雲涼。萬里長城一夜霜。天意小朝廷已定。那容公作郭汾陽。遠寄金環望九哥。一朝兵到又回戈。定知五國城中淚。更比朱仙鎮上多。一個西湖換兩宮。靖康小雅唱雍雍。憐他絕代英雄將。爭不遲生付孝宗。軍令如山鳥不譁。黑風龍虎盡呼爺。自然慈聖還宮日。苦向官家問岳家。歲歲君臣拜詔書。南朝可謂有人無。看燒石勒求和幣。司馬家兒是丈夫。要盟結贊屢彎弓。翻錄和戎魏絳功。老住迷樓人不醒。趙家天子可憐蟲。小校桓桓道姓施。湧金門外有專祠。雄心似出將軍上。不斬金人斬太師。要結中朝絳灌懼。分將戰艦贈同官。韓王心喜張王惱。始信人間送禮難。允升一疏奏楓宸。與汝何干竟殺身。擬把東廂添配享。黃金鑄



個布衣人。華表凌霄落照遲。一朝孤憤萬年知。梨花寒食燒香女。纖手都來折檜枝。不依古法但橫行。自有雲雷繞膝生。我論文章公論戰。千秋一樣鬪心兵。五十三人命已休。秦城王氣忽然收。教渠暫緩須臾死。那數中原劉彥游。身後何曾有定論。金陀野史仗文孫。紫陽調語瓊山繼。燭火無光照覆盆。恰有狐疑問殿前。周歆入廟竟身顛。史駢敵怨分明在。只恐當年事偶然。江山也要偉人扶。神化丹青即畫圖。賴有岳于雙少保。人間才覺重西湖。

孫夫人

刃光如雪洞房秋。信有人間作壻愁。燭影搖紅郎半醉。合歡床上夢荊州。

吳絳仙

家家竹葉引羊車。一個仙娥管蠹魚。可惜竟無書諫獵。六宮枉喚女相如。

題李後主百尺樓

黃花水小雨潺潺。南國樓臺夕照間。如此長江被量去。當年還唱念家山。檀檀金屑小琵琶。姊妹承恩似趙家。聽到流珠歌舊曲。一時腸斷六宮花。保儀不愧女相如。手掌牙籤萬萬餘。爭奈焚如學蕭繹。國亡遷怒到圖書。草草南朝一夢過。潺潺



春。雨。奈。愁。何。官。家。賴。有。重。瞳。子。洗。面。終。朝。眼。淚。多。  
藥。號。牽。機。出。禁。宮。此。人。又。似。不。  
相。容。檀。來。歌。罷。江。山。穩。只。合。全。家。哭。世。宗。  
六。道。戈。船。出。上。游。香。孩。兒。太。不。風。流。關。  
心。卧。榻。鼾。聲。地。轉。忘。燕。雲。十。六。州。  
金。字。心。經。手。白。焚。命。燈。竿。斷。九。霄。雲。無。情。最。是。  
西。天。佛。送。過。蕭。梁。又。送。君。  
千。年。故。國。水。雲。涼。樂。府。歌。殘。曲。數。行。  
父。老。營。齋。妃。薦。福。何。如。文。士。巾。斜。陽。

讀史雜詩

莫。笑。人。才。古。不。如。聽。卿。諧。語。足。軒。渠。稅。侯。老。養。天。閑。馬。呂。尚。長。供。使。宅。魚。  
漢。家。名。器。原。須。重。白。首。為。郎。總。是。恩。無。奈。平。明。事。朝。謁。韓。嫣。騎。馬。入。宮。門。  
堂。堂。獨。坐。五。諸。侯。不。見。朱。提。錫。一。流。唐。納。告。身。須。帖。括。宋。征。常。賦。有。留。州。  
白。水。真。人。夏。少。康。忍。將。都。護。拒。西。荒。雲。臺。治。比。輪。臺。盛。每。發。兵。時。鬢。髮。蒼。  
金。柶。早。作。吐。蕃。營。笳。鼓。虛。張。樂。樹。盟。識。破。夷。情。徒。一。嘆。書。生。誰。信。柳。宜。城。  
韋。裴。作。相。日。愁。歎。債。帥。唐。時。遍。地。看。一。笑。王。陽。金。不。化。三。君。容。易。入。厨。難。  
家。家。鶴。膝。戶。犀。渠。自。道。如。錐。利。有。餘。我。愛。錢。微。知。貢。舉。臨。危。終。不。發。私。書。  
赤。棒。傳。呼。伏。上。刑。飲。章。金。布。欠。分。明。買。絲。繡。作。劉。從。諫。表。請。王。涯。一。罪。名。  
絃。絕。清。商。蠶。餌。絲。盈。虛。肝。蠻。有。誰。知。黨。人。不。赦。陳。蕃。死。轉。為。黃。



巾起太遲。樂府新歌于為篇。望春樓下忽喧闐。三郎能記游仙曲。不記開元前十  
年。

做元遺山論詩

二十八首錄二十二 遺山論詩古多今少余古少今多兼懷人故也其所未見與雖見而胸中無所軒輕者俱付闕如

不相菲薄不相師。公道持論我最知。一代正宗才力薄。望溪文集阮亭詩。王新城生

逢天寶亂離年。妙詠香山長慶篇。就使吳兒心木石。也應一讀一纏綿。吳梅村他山

書史腹便便。每到吟詩盡棄捐。一味白描神活現。畫中誰似李龍眠。查他山天風拂

拂響雲和柳。憚三生慧業多。最是淫思兼古意。西湖隄上竹枝歌。楊次也西崖愛好

風調佳。魚魚雅雅典亦該。懷清堂集繼蠶尾。似此公卿那得來。湯西崖莫將死句入

詩中。此訣傳來自放翁。掃盡粗豪見靈活。唐堂真比稼堂工。潘稼堂黃石牧酷嗜莘田香

草齋。芬芳悱惻好風懷。休嫌發洩英華盡。唐代詩原中晚佳。黃莘田小雅才兼大雅

才。僧虔用典出新裁。幽懷妙筆風人旨。浙派如何學得來。厲樊榭一縷清絲裊碧空

半飛天外半隨風。盤餐別有江瑤柱。不在尋常食譜中。金冬心氣猛才豪老尚堪。施

竹田梁守存以外孰清談。平心細按三千首。一集終須重嶺南。杭大宗奴僕何妨直

命騷。風流從古有人豪。自題集內謙謙語。詩品官階兩不高。商寶意騎鯨跋浪是生



平。要與雲龍韓孟爭。絕好東南飛孔雀。一篇烈女李三行。胡繼東髮惜惜便苦吟。白

頭才許入詞林。平生絕學都探遍。第一詩功海樣深。程魚雲松自負第三人。除却

隨園服蔣君。絕似延平兩龍劍。化為雙管鬪風雲。蔣苔生 趙雲松漁村幼魯謝階人。淡遠

清微自一門。何必參天說松柏。幽蘭不礙小磁盆。張漁村 謝皆人 符幼彈絲吹竹譜宮

商。刻意推敲格調蒼。不許神通破禪律。遺山心早。厭蘇黃 樓王夢鄭虔未

老傳三絕。謝覽芳蘭自一生。底事獨加皇甫序。愛他絃外有餘聲。錢竹絕世聰明

崔蔡徒。肯將簪紱換江湖。桃花一絕高僧偈。看到紅雲盡處無。嚴冬常州星象聚

文昌。洪顧孫楊各擅場。中有黃滔今李白。看潮七古冠錢塘。如存 蓉裳 立方 仲淵

小別隨園僅十年。記來吟句總如仙。朝朝替誦仁王懺。劫火休燒宋笠田。宋笠田 官甘肅

鮑照聲名本不虛。海門吟稿冠南徐。佳兒佳句吾尤愛。書味清於水養魚。鮑海門 雅堂

吾鄉近日數詩家。我愛山舟與嶼沙。妙絕風人吳小谷。萬行書對一瓶花。錢嶼沙 梁山舟

吳小谷

題竹垞風懷詩後有序

竹垞晚年自訂詩集不刪風懷一首曰甯不食兩廡特豚耳此隻言也按元



明崇祀之典頗濫蓋有名行無考附會性理數言遽與程朱並列竹詫恥之  
託詞自免意蓋有在也不然使竹詫刪此詩其果可以廁兩廡乎亦未必然  
矣

尼山道大與天侔。兩廡人宜絕頂收。爭奈升堂寮也在。楚狂行矣不回頭。

題會仙石四首

果然仙近世途遙。石作樓梯樹作橋。想見翠屏遮隔處。風鬟霧鬢有人招。古蹟荒  
唐怕討論。事關兒女易消魂。會仙石上千年草。仔細摩挲認坐痕。繞聽雙鬟合卷  
歌。又招漁父泛烟波。桃花慣作迷人事。引入仙家總是他。作壻山中僅半年。人間  
滄海變桑田。教儂不敢多時立。生恐歸來也惘然。

湖上雜詩 二十一首錄十五

浮家泛宅幾回遷。先厲德生卷再遷陳莊遷得西湖到榻前。從此欄杆憑不了。雨餘風定月明

天。月明如水浸沙隄。隄上遊行一杖攜。惹得家僮沒尋處。夜深孤坐斷橋西。桃  
花吹落香難尋。人為來遲惜不禁。我道此來遲更好。想花心比見花深。誰家愛唱  
玉玲瓏。笛自西飄曲自東。一夜蕩搖聲不定。知他船在水當中。飛飛小艇慣穿雲。



傍曉招人到夕曛。底事游蜂頻繞漿。兒家衣是藕花熏。烟霞石屋兩平章。渡水穿花趁夕陽。萬片綠雲春一點。布裙紅出採茶娘。遠望雲鬟意態佳。近前凝視眼頻開。豈知即是我家婦。一笑各詢何處來。葛嶺花開二月天。遊人來往說神仙。老夫心與遊人異。不羨神仙羨少年。花神十二最清華。齊著雲裾踏鴈沙。擬向江淹分彩筆。一章詩贈一枝花。冷泉亭上草如茵。鎮日看泉泉滿身。天竺過門偏不入。觀音應不惱詩人。鳳嶺高登演武臺。排衙石上大風來。錢王英武康王弱。一樣江山兩樣才。六陵何處認冬青。望帝魂歸淚欲零。偏有子規不解事。聲聲啼與岳王聽。金泥光閃梵王宮。簫鼓沿隄鬪晚風。從古繁華春世界。朝陽不及夕陽紅。隻雞斗酒淚潜潜。師友墳前薦一餐。只有杜鵑心似我。滿山紅與故人看。春宵知是可憐宵。柳下呼舟月下搖。消受水晶宮世界。四更猶有滿湖簫。

贈劉霞裳秀才約為天台之遊

觥觥問字子雲家。奕奕風神動絳紗。似汝瓊枝來立雪。一時愁殺後堂花。能界烏絲寫洛神。解吟紅豆學西崑。靈和殿裏風流樹。曾惹蕭郎一斷魂。未免多情枉費才。狎遊頗被里人猜。須知玉貌張雕武。終向儒林傳上來。老我顏唐色界天。熏香



傅粉憶當年。自憐一往情深處。也是楞嚴十種仙。空山豈是少年場。偶置花前酒  
一觴。多謝嚴陶兩公子。替他代饋束修羊。余進怡園 屢惠珍餽負笈從師意頗殷。向禽心願  
許平分。天台倘共劉郎去。定有桃花認得君。

### 遊仙詩

當年足下看雲生。三疊琴心道已成。誤寫上清蝌蚪字。一篇真語不分明。風引三  
山境寂寥。碧天吹斷水精簫。關心子晉顏如玉。身隔雲屏手亂招。迢迢白練耿秋  
河。織女重來恨已多。八萬六千明月戶。不知何處認嫦娥。相招須把碧芙蓉。海上  
歸來雪萬重。同往玉真清冷地。不司符籙便從容。東海塵揚阿母家。年來勾漏少  
丹砂。有人手執青鸞尾。獨立蓬上掃落花。

### 步山下作

暑退風清步竹林。荷花枝上結層陰。憐他吹散閒雲影。曾抱為林一片心。

### 新正十一日還山

自覺山人膽足夸。行年七十走天涯。公然一萬三千里。聽水聽風笑到家。迎門兒  
女慶團圓。隣里爭當遠客看。不是桃源真福地。如何雞犬盡平安。香雪階前撲面



飛喜從香裏解征衣。老妻指向諸姬笑。不為梅花尚不歸。一雙孔雀艷歸裝。惹得傾城士女狂。為要誘他開翠尾。麗人來往盡濃妝。賓客連宵坐滿庭。問山問海問花名。急鈔詩與諸公讀。省得衰翁說不清。重理殘書喜不支。一言擬告世人知。莫嫌海角天涯遠。但肯搖鞭有到時。

閒寫七絕句

殘漏敲詩夜夜同。銀缸晚點託巴童。隔花自望讀書處。斑竹小窗紅未紅。荷花夜靜月華凝。花面添鋪水一層。愛趁涼風小兒女。綠芙蓉上試秋燈。采得芭蕉當席鋪。自揩團扇寫官奴。幽蘭窈窕青琴側。吹氣撩人乍有無。何須橘叟問滄桑。何必牕雞話短長。兩個文禽學人語。金衣公子雪衣娘。一樓書卷萬花熏。靜掩柴門自策勛。寄語公卿休剝喙。名山高不借青雲。

寓目寄書

禾熟頭低麥熟昂。冬天雨暖夏天涼。蜘蛛網小如錢許。也展經綸據一方。

全集編成自題四絕句 錄三

不負人間過一回。編成六十卷書開。莫嫌覆瓿些些物。多少功勛換得來。幾年學



道歛心情。幾度刪除仗友生。到底難消才子氣。霜毫觸處。怒花生。七齡上學解吟哦。垂老燈牕墨尚磨。除却神仙與富貴。此生原不算蹉跎。

五律

雨

當窗三日雨。對面一峰沉。花有消魂色。鶯無出樹心。怒蛙爭客語。新水學琴音。折竹教僮試。前溪幾尺深。

良鄉霧

不雨征鞍濕。方知霧裏行。曉花難辨色。溪水但聞聲。對面八千里。終朝天五更。前程原是夢。何必太分明。

二月初八日生一女

墜地無人賀。遙知瓦在床。為誰添健婦。懶去報高堂。妄想能招弟。佯歡且慰娘。江干好黃竹。打慣女兒箱。左家詩料好。伯道老懷嗟。味似餐雞肋。情疑中副車。湔裙製文葆。醜面趁桃花。嫁恐非吾事。驚心兩鬢華。

黃巖道中



十里黃巖路。瀟瀟雨似麻。老牛知讓路。新蝶學穿花。雲動山疑活。溪奔石欲斜。黃昏行李濕。惆悵宿僧家。

寄香亭代東

高城秋未落。作客汝先行。白髮空山夜。青燈獨坐情。池塘尋遠夢。兄弟感來生。極目天邊月。清光送雁聲。  
禹貢徐州域。相依張建封。空樓尋燕子。舊幕想芙蓉。河決城三版。官新牘萬重。主勞賓可想。幾見汝從容。  
弱冠編詩集。彭城與鳳陽。馬頭皆楚漢。筆底自宮商。地盡江南界。秋高古戰場。騷人風骨老。強半在他鄉。  
小草當荆樹。分君亦偶然。如何絡秀志。不結女嬃緣。贈香亭鳳簫女嬃尼之扣扣鐸仍繫。盈盈月待圓。采春囉嘖曲。空唱想夫憐。  
燕姑初徵夢。添了賀者譁。偏凋將秀稻。又摘早秋瓜。老母堂前膝。佳人雨後花。風懷吾最達。未免惜年華。方姬半產木葉不知老。當秋尚亂飄。蟲聲入山大。風力出城驕。一別歲將暮。相思路正遙。家書最珍重。封卷學芭蕉。

五排

長沙謁賈誼祠

江口瞻遺廟。長沙最少年。才雖王者佐。運是漢家天。屈子堪同調。相如敢比肩。虛無



宣室問。卑濕楚江邊。道大功臣忘。心孤鵬鳥憐。三相知數盡。七國悟機先。飄泊傷靈化。穠華委逝川。綠蘿蟠敗壁。飢鼠拱殘筵。神鬼真無狀。風雲合有緣。長懷夫子哲。轉憶孝文賢。遇合終如此。功名更惘然。我來剛弱冠。流涕返吳船。

薦鴻詞北上辭別桂林中丞

萬里投知己。千秋見偉人。掃門才授贄。倒徙已迎賓。弱冠終軍小。憐才鮑叔真。牛心先賜啖。馬骨倍精神。一卷文章獻。千回諷誦頻。百僚參謁處。入座散衙辰。譽我如夸寶。稱詩似數珍。人聲齊諾諾。公口尚津津。詔舉通經士。慚非珥筆臣。毅然標姓氏。直自奏楓宸。計吏爭供具。材官盡捧輪。辦裝錢絡繹。祖餞酒溫醅。石重鰲難戴。風高草易春。未開花獨賞。久屈蠖應伸。多感雲霞契。能增骨肉親。窮途來阮籍。有叔愛蘇秦。叔健磐以公桂嶺三秋月。長安一路塵。拜辭先洒灑。圖報屢看身。夫子宫牆遠。男兒事業新。遙聞西域國。獨角貢麒麟。

隴上作

憶昔童孫小。曾蒙大母憐。勝衣先取抱。弱冠尚同眠。髻影紅燈下。書聲白髮前。倚嬌頻索果。逃學免施鞭。敬奉先生饌。親裝稚子棉。掌珠真護惜。軒鶴望騰騫。行藥常扶



背看花屢撫肩。親鄰驚寵極。姊妹如恩偏。玉陛臚傳夕。秋風榜發天。望兒終有日。道我見無年。渺渺言猶在。悠悠歲幾遷。果然宮錦服。來拜墓門煙。反哺心雖急。含飴夢已捐。恩難酬白骨。淚可到黃泉。宿草翻殘照。秋山泣杜鵑。今宵華表月。莫向隴頭圓。

哭三妹五十韻

五枝荆樹好。忽隕第三枝。最是風華質。還兼窈窕姿。令儀宜協吉。論齒未應衰。情以隨肩重。喪因在室悲。鶴鴿飛竟斷。手足夢重追。弄藥爭花日。將笄未弁時。金籠擒蟋蟀。竹馬逐鄰兒。各踞長松鍛。同分野竈炊。書燈裁紙照。學舍隔簾窺。呵手團清雪。當盤算劫棋。鬪殘春草綠。舞罷柘枝欹。貧不爭梨栗。懽能詠豆其。非魚常作隊。似鴈不差池。擬續蘭臺史。堪刊紫石碑。阿兄試京兆。小妹倚門楣。望信頻穿眼。登科代展眉。分襟長戚戚。聚首更怡怡。至情醞無比。多情累在斯。一聞婚早定。萬死誓相隨。采鳳從鴉逐。紅蘭受雪欺。踏搖囚素髮。岷摘損凝脂。瑱珮嬰兒撤。犁鋤健婦持。贅餘添姊禍。嫁後失爺慈。捨宅棲蘭若。長齋伴濟尼。當官懲壻惡。合族笑姨癡。婦棄仍歸矣。天高不鑿之。已經分破鏡。長自奉慈帷。紛悅辛勤侍。羹湯宛轉吹。呼盧老親伴。問字舉家師。有女空生口。無言但點頭。

妹一  
女啞

方形勤指矩。圓象強摹規。水色雲沉閣。山光



樹轉鸞避人常獨坐。對影輒漣湏。豈戀終風暴。常懷其雨思。冰心明月見。春恨落花  
知。寂寂芳華度。奄奄玉貌移。九迴腸早斷。一日病難治。自覺傷心極。臨危作遠離。家  
貧投賤藥。膽壯誤庸醫。白下巫陽至。揚州蕩子羈。魂孤通夢速。江闊送終遲。得信前  
夕夢  
與妹歡如路上錢猶卜。靈前帳已披。承衾摩瞑目。搜篋理殘詩。欲止高堂慟。先教私淚  
垂。蒼茫惟有恨。啼勸兩難為。苦憶連年瘧。頻勞徹夜支。今朝偏送汝。他日更呼誰。殘  
雪敲窗戶。悲風動酒卮。浮生千古幻。哀輓幾行辭。盼斷黃泉路。重逢可有期。

七律

銅雀臺

停車欲訪魏遺宮。銅雀荒涼片瓦空。生對河山常感慨。死猶歌舞是英雄。君王氣盡  
高臺酒。兒女春殘甲帳風。七十五來神恍惚。西陵可與茂陵同。殿上歸來履幾雙。  
三分天下更分香。一家樂府商聲老。八尺燈帷鄴水涼。疑冢尚存兵法意。招魂只用  
美人妝。傳心曾許諸姬嫁。老去將軍話竟忘。

謝太傅詞

一笑翩然載酒行。東山女妓亦蒼生。能支江左偏安局。難遣中年以後情。花下殘碁



兒破敵燈前老淚客彈箏。荒祠隔葉黃鸝語。猶是當初絲竹聲。

輓太傅錢香樹先生

卿雲舒卷自丹青。魯殿靈光影忽凋。無復東南稱二老。有誰簪笏歷三朝。夾鳩早正秋官席。威鳳仍賡虞帝簫。此日哀榮人世畢。海天兜率更逍遙。未老先懸七十車。江湖魏闕意何如。密修寒朗祥刑疏。不上公羊斷獄書。風貌九重圖影後。溪山一片晚香餘。傷心蓬島騎鯨去。天語尤聞問起居。百年大雅獨扶輪。筆下龍蛇紙上春。一品集成傳海內。五湖花好稱吟身。朝無燕許傷前輩。家有韋平慶後人。想歷恒河千萬劫。鶴歸華表尚精神。記泛扁舟碧海東。自提行笈學登龍。九河不棄蹄涔水。一面曾欽泰華峯。看和聖君新筆墨。聽談仁廟舊儀容。而今回首都成夢。又隔人天萬萬重。

寄懷歸愚尚書

天與高年享重名。明經晚遇比桓榮。詩人遭際無前古。海內風騷有正聲。白髮歸來雙俸重。青山題罷九重賡。戴公園上書銜處。更命春官典六卿。曾拖金紫侍東宮。鶴禁龍樓獻樸忠。斥去邪蒿開苦口。折來楊柳勸春風。賀循印綬恩方渥。疏廣都門



餞已終。今日商山好。芝草青青猶照夕陽紅。金鑾殿上詠霓裳。三次同年夢最長。  
鴻詞科吳郡聲聞張子布鏡湖風月賀知章傳人自古前生定酒客於今舊雨涼何  
鄉會試事蒲輪遊白下。不來小住說滄桑。黎生鶴髮捧雙魚。寄得昌黎薦士書。  
公以書薦  
同人黎良行老去。心情真健在。秋來杖履更何如。愁生蕭寺雲飛處。露下橫塘鴈到初。記否隔  
年河朔飲張南。周北又離居。

題張睢陽廟壁

刀上蛾眉喚奈何。將軍隣境尚笙歌。殘兵獨障全淮水。壯士同揮落日戈。六射鬚眉  
渾不動。一城人肉已無多。而今雀鼠空啼竈。暮雨靈旗冷薜蘿。

巴陵道中

洞庭西去女郎祠。來慰行人有畫眉。山縣城荒關店旦。戍樓燈遠泊船遲。方言莫辨  
思重繹。異鳥無名愧學詩。難得篙工解人意。每開牕處對花枝。

寄懷梁山舟侍講

早辭金紫晚烟霞。忘却蕭曹是世家。一飯於嚴常選客。半生孤冷不宜花。每聞逸事多  
風義。君於師門友  
誼行義甚高相別經年感鬢華。難得清明好時節。忽逢舊雨試新茶。墨譜牙



章手自鐫。寓言詩寄反游仙。君有反游談禪不落三乘後作楷能追兩晉前大小冠  
同杜子夏。予一冠四十年人笑短長亭送謝臨川別來又覺秋風起回首湖樓一  
黯然。

寄懷王夢樓太守

未踏金鰲頂上行。中華戒外早知名。君先到琉球出疆海水橫身過入夢宮花繞筆  
生才子中年多學道。仙人家法愛吹笙。騷壇旗職張多少。我覺王維是正聲。代寫  
吟箋代整裝。多君處處作津梁。高霞得月方成彩。幽草無風敢自香。李翰文枯奏音  
樂。浪仙詩就獻空王。關心手撰鈞天曲。歌到雲璈第幾章。

讀道古堂集吊杭堇浦先生

平子才華賦兩京。禮堂經義屬康成。殿前放膽陳封事。海內甘心奉盛名。一代官多  
徵辟少。百年人重甲科輕。等身著作分明在。可學歐公畏後生。歸隱湖山笑眼開。  
誰知方朔歲星哉。橫衝一世談天口。生就千秋數典才。萬卷堆中棋局響。三貂座上  
縕袍來。傷心此日風流盡。江左靈光半夜臺。

改官白下留別諸同年



三年春夢玉堂空。珂馬蕭蕭落葉中。生本麤才甘外吏。去猶忍淚為諸公。紅蘭委露天無意。黃鵠摩霜夜有風。莫向河梁頻握手。古來溝水尚西東。頃刻人天隔兩塵。難從宦海問前因。夕陽自照平臺樹。修竹誰栽小苑春。五月琴裝催下吏。一時酒盞遍騷人。相看行李無他物。賸有蓬山雪滿身。青溪幾曲近家居。天許安仁奉板輿。此去好修循吏傳。當年枉讀上清書。三生弱水緣何淺。一宿空桑戀有餘。手折芙蓉下人世。不知人世竟何如。繞袖爐烟拂未消。征衫還帶五雲飄。江山轉眼離雙闕。風物從頭問六朝。報國文章公等在。出都僮僕馬蹄驕。他時烟雨琴河外。遠聽鈞天碧玉簫。

落花十五首錄十

江南有客惜年華。三月憑闌日易斜。春在東風原是夢。生非薄命不為花。仙雲影散留香雨。故國臺空賸館娃。從古傾城好顏色。幾枝零落在天涯。也曾開向鳳凰池。去住無心鳥不知。掃徑適當風定後。捲簾可惜客來時。肯教香氣隨波盡。尚戀春光墜地遲。莫訝旁人憐玉骨。此身原在最高枝。風雨瀟瀟春滿林。翠波簾幕影沉沉。清華曾荷東皇寵。飄泊原非上帝心。舊日黃鸝渾欲別。天涯綠葉半成陰。榮衰花是



尋常事。轉為韶光恨。不禁小樓一夜聽。潺潺十二瑤臺解珮環。有力尚能含細雨。無言獨自下春山。空將西子沉吳沼。誰贖文姬返漢關。且莫啼烟兼泣露。問渠何事到人間。后土難埋一瓣香。風前零落曉霞妝。丹心枉自填溝壑。素手曾經捧太陽。疎雨半樓人意懶。殘紅三月馬頭忙。莫嫌上苑遮留少。宰相由來鐵石腸。玉顏如此竟泥中。爭怪騷人唱惱公。茵溷無心隨上下。尹邢避面各西東。已含雲雨還三峽。猶抱琵琶泣六宮。花總一般千樣落。人間何處問清風。金光瑤草兩三莖。吹落紅塵我亦驚。讓路忍將香雪踏。開牕權當美人迎。蛛絲力弱留難住。羊角風狂數不清。昨夜月明誰唱別。可憐費盡子規聲。紅燈張罷酒杯殘。不照笙歌月亦寒。此去竟成千古恨。好春還待一年看。金鈴繫處隄防苦。玉匣開時笑語難。擬囑司風賢令史。也同修竹報平安。剪綵隋宮事莫論。天涯極目總銷魂。旗亭酒醒風千里。牧笛歌回水一村。遊子相逢終是別。美人有壽已無恩。流年幾度殘春裏。湖落空江葉打門。怕過山村更水橋。休論鳳泊與鸞飄。容顏未老心先謝。雨露雖輕淚不消。小住色憑芳草借長眠。魂讓酒人招司勳。最是傷春客腸斷。烟江咽暮潮。

抵金陵



黃金埋老變烟霞。一片長江六帝家。天意兩回南渡馬。秋痕滿地。故宮花。荆襄形勢。上游遠。輦轂規模。大道斜。我是荒傖來弔古。手揮羽扇。問年華。登臨不盡古今情。無數青山入郡城。才子合從三楚謫。美人愁向六朝生。身非氏族。誰為客。地有皇都。易得名。八尺闌干多少恨。新亭秋老。月空明。

署中感興

日飲黃河一尺冰。宦情風景兩難勝。民驕已是衰年子。官苦原同受戒僧。半局棋聲催客鴈。滿庭秋影澹書燈。爾來悟得孫登語。慚愧人前百不能。

答曾南邨論詩

提筆先須問性情。風裁休劃宋元明。八音分列宮商韻。一代都存雅頌聲。秋月氣清千處好。化工才大百花生。憐予官退詩偏進。雖不能軍好論兵。

哭鄂文端公

朔風寒雨九衢昏。神化丹青失重臣。薄海盡傳遺疏稿。不才曾是受知人。魂依大裕歸清廟。星冷長河換早春。十載回天兼捧日。詔書哀悼莫嫌頻。當年遭際遇先皇。曠古恩榮話最長。如朕親臨朝出塞。為卿眠食夜焚香。訐謔語密青蒲煖。顧命身孤



玉几凉。怎怪報恩心力盡。旁人聽也。泪沾裳。魏公風節晚香深。病革頻邀玉輦臨。  
五岳祈年明主意。九原薦士老臣心。邊疆功過青天在。改上歸流事由公始將相榮華碧水沉。  
他日近郊三百戶。看人編作宰官箴。宮門扶杖立雲端。嘆息才人向百官。我已江  
南逐升斗。公偏東閣費盤餐。華堂下拜千年別。綠野招魂一水寒。從此青琴愁獨抱。  
天涯白雪向誰彈。公賜錢小紅園

還武林出城作

還鄉重出武林城。天放湖光半日晴。翠鳥衝烟飛雨後。花枝當路勸山行。采桑人少  
蠶猶小。銜尾魚多水正清。三十年前舊遊處。荒橋野店總關情。

做劍南小體詩 三首錄二

春日山居事事宜。閉門行樂少人知。亭移舊料功成早。樹換新泥葉發遲。秃筆管仍  
裝麈尾。斷琴絃更拗花枝。年來悟得忘名意。除却風懷不詠詩。朝烟暮雨倦登臨。  
閒倚危樓憶古今。螻蟻尚存封建法。圍棋時見井田心。山花愛月紅成白。池水如人  
淺不深。中散春愁無着處。幽蘭開處去彈琴。

題陳古漁詩卷



新詩一卷勝方干。當作楞伽夜靜看。孔翠屏開花爛漫。清商琴老調高寒。地當六代悲歌易。胸有千秋下筆難。我學王戎留贈語。森森更願束長竿。

詠錢

誰開九府製泉刀。從此黃標又紫標。千古帝王留字去。萬般人事讓兄驕。椒房手迹傳唐代。堯廟碑陰記漢朝。莫說仙家最清冷。也須金液上丹霄。不須薇蕨說高風。到底夷齊是命窮。剪紙賄能通鬼國。博泉天尚借劉翁。杖頭有處春堪買。坐上無時酒欲空。怎怪南唐痴長老。心經一卷寫當中。人生薪水尋常事。動輒煩君我亦愁。解用何嘗非俊物。不談未必定清流。空勞姹女千回數。屢見銅山一夕休。疑把婆心向天奏。九州添設富民侯。牙籌且莫惱王戎。本草嘗來味果濃。五福富登洪範傳。六官人愛大司農。分明輪廊無方寸。頃刻風波有萬重。怪我緣慳君欲去。祇須臨別少從容。張燕公有  
錢本草碑五銖衣薄稱閒身。綰罷銅符早閉門。萬選儘憑詞賦力。半文不受祖宗恩。搖空撲滿心原淡。獨飲廉泉體自尊。記得清明分白打。開元兩字最消魂。風吹荇葉滿池斜。老去持籌敢自夸。早買名山非壘斷。不騎仙鶴也豪華。富徒慳守貧何異。來得分明去亦嘉。我有青蚨飛處好。半尋烟水半尋花。



鏡

盈盈一水寫風神。惆悵山雞舞罷身。望去堂空疑有路。照來如我竟無人。得知宜稱  
妝應改。解共悲。懽汝最真。願取蟠龍安四角。滿林花影盡橫陳。

簾

珍珠顏色月波光。只隔游蜂不隔香。一道疑城花隱霧。萬條斜竹水成行。蓬山珮響  
仙彌遠。深院風停日更長。搖蕩春痕鈎捲未。銜泥燕子待升堂。

牀

小眠齋裏捲琴書。每覺藜牀味有餘。一夜送人何處去。百年分半此中居。金燈聽鼓  
應官後。紅袖抽簪乍上初。兩種風情最堪憶。梅花吹落水窗虛。

燈

別酒淋漓夜雨聲。空山紅處野風驚。並無喜事花長報。為有黃昏色轉明。歌舞當場  
春夢短。江湖回首玉堂清。除將書卷雲鬟影。不領銀缸一點情。

帳

甲乙流蘇事事非。誰傾海水向羅幃。垂雲深護鴛鴦穩。越境難防蝴蝶飛。白鳥有聲



喧外陣。紅燈無力透重圍。愁他酒盡燈殘夜。遮莫離人獨自歸。

答魚門覆舟見寄

久別青琴海上音。忽然彈作水龍吟。文章偶有清流禍。神劍終無化去心。長願伊人歌宛在。何妨與世暫浮沉。水經註疏河渠考。此後輸君閱歷深。年來陶峴卧烟霞。不泛張騫萬里槎。樂府怕歌公竟渡。輕鳧且傍水為家。易林鳧雁啞以水為家天邊酒賀重圓月。池上風驚未墜花。聽說寸函隨隻履。轉疑龍女愛瑤華。鄙人書一函

謁史文靖公墓

手供蘋蘩當束修。先登華屋後山邱。九原尚想師隨會。一疏曾經識馬周。蓋代勳華雲影在。滿堂絲竹水聲愁。知公泉下猶憐我。如此英年也白頭。公為己未館師乍見喜曰如此英年命擬

奏疏第一通  
夸為第一

春興五首

小倉山為一家青。繞向吾廬作畫屏。病起翻書如訪舊。春來養竹勝添丁。幽蘭九畹披香坐。啼鳥雙柑帶笑聽。半角湘簾鈎暫捲。楊花隨客入空庭。身居宏景三層閣。家住香山八節灘。愁踐落花時讓路。愛生春水獨憑欄。朱藤架老蜂喧早。薜荔牆高



蝶過難呼與園丁作僮約。幾痕新雨試魚竿。心事山居日日幽。風廊水榭足閒遊。  
侵晨試墨書蕉葉。趁月彈琴上竹樓。雙隊飛時知蝶喜。十分開處替花愁。鸞臺婢子  
解人意。勸放神仙藥玉舟。蕭蕭水木湛清華。萬綠浮空塔影斜。屋漏引來書帶草。  
家貧開瘦牡丹花。無求每覺人情厚。有命方知我志差。權作神仙天際想。北窗跂脚  
鼓琵琶。碧雲英與玉浮梁。酌向花神奏綠章。謚作洞簫生。有願化為陶土死。猶香  
春光解戀身將老。世味深嘗興不狂。愛殺柔奴論風物。此心安處即吾鄉。

病中贈內

宛轉牛衣卧未成。老來調攝費經營。千金儘買羣花笑。一病纔徵結髮情。碧樹無風  
銀燭穩。秋江有雨竹樓清。憐卿每問平安信。不等雞鳴第二聲。

南樓獨坐

清涼山色酒杯邊。身在斜陽小雪天。成佛肯居才子後。爭名難到古人前。萬重白骨  
堆青史。六代黃金散暮煙。我欲騎鯨遊海上。笑他不達是神仙。


箴作詩者

倚馬休夸速藻佳。相如終竟壓鄒枚。物須見少方為貴。詩到能遲轉是才。清角聲高



非易奏優曇花好不輕開須知極樂神仙境修煉多從苦處來

袁子才詩選終





蔣  
心  
餘  
詩  
選

上海文明書局發行









蔣心餘詩選

五古

讀始皇本紀四首

秦帝富貴人。萬事不留餘。苟能得長生。神仙亦盡誅。玉皇且岌岌。應奪紅雲居。天界築長城。三島春屬俱。風雨各怨涕。生天實愁予。十洲懼祖龍。守禦憑鮫魚。所以童男女。不得通音書。

醒與湘君讎。夢與海神戰。喜怒皆徑行。始于無忌憚。纔脫博浪椎。復遇蘭池盜。真人果長生。却為山鬼笑。刻石頌功德。左右惟佞臣。兩生自亡去。延禍四百人。連弩射之。果釋弓。乃成病。傷哉橫暴軀。但抵一魚命。

生游阿房宮。死游驪山墓。行樂到魂魄。膏鐙照泉路。既欲求神仙。如何穿窟穴。可知徐市言疑信。原未決二世極嗜慾。而日報先帝承家苟。如斯難矣千萬世。

三代有治法。始皇不一用。事事矜創獲。大力為罄控。黔首雖可愚。陳項肯從眾。戰國尚功利。流毒堪一慟。所以鄒國儒。獨言仁義重。

遠遊二首 錄一



初日照林莽。積藹生庭闈。長跼拜慈母。有淚不敢垂。連年客道路。兒生未遠離。力學既苦晚。可復無常師。負笈出門去。白日東西馳。遠游幸有方。母心毋念之。兒食有齋粥。母毋念兒飢。兒服有敝裘。母毋念兒衣。倚閭勿盼望。歲暮兒當歸。俯首聽兒言。丁寧語。兒知小妹不解事。視母為笑啼。新婦亦善愁。含淚無言詞。繁憂未能語。匪但離別悲。父車既已駕。我行復遲遲。豈無寸草心。珍重三春暉。仰看林間鳥。繞樹啞啞飛。

到家六首

隔歲歷萬里。決意竟還家。急遽呼呵孃。低頭拜阿耶。耶孃喜兒至。顧復相嗟呀。見兒百慮盡。兒樂亦無涯。小犬繞身吠。跳擲掀齒牙。童穉竊歡躍。欲出藏又遮。都忘失意返。為我拂風沙。明知僕婢愚。未必欣榮華。對之欲自愧。默默看庭花。

犬吠聲稍息。客至犬復喧。驅犬聽客語。拱揖陳寒暄。轉長客久坐。旅況先與言。問對多倦容。此意客頗原。送客見隣叟。約略道田園。洗面復濯足。侍立當庭軒。語雜親不怪。答我聊更番。

霍霍聞磨刀。殺雞斷乾肉。家人飯游子。高堂爛燈燭。呼兒坐親側。歡意動眉目。語兒太審詳。問兒身可強。兒壯可如父。兒瘦何似孃。瑣屑告家事。乃命陳他鄉。傾聽不知



倦。謂兒休。皇皇長跼。進親酒。願親壽無疆。知兒久斷飲。今當一進觴。區區得失意。恐兒心未忘。

恐兒心未忘。看兒塗中詩。微笑在顏色。終卷無一詞。兒言父何取。兒心父則知。榮名賤苟得。骨肉樂在茲。親戚重聞達。慰藉來嗟咨。但云弗戚戚。富貴當有時。

父飲亦既醉。就寢先自息。戒兒勿坐久。晨起詣父執。阿孃常少睡。問訊繼相及。謂孃無別慮。寒暑恐兒疾。書來兒未歸。夢兒兒詎識。望兒不欲夢。夢復與兒值。壯游豈不好。我生僅汝一。思汝每自恨。反怪汝行急。汝歸我已歡。汝聽勿轉泣。僕婢立漸近。童穉不復匿。欲語未便吐。含笑候顏色。嘈雜良可愛。真氣出胸臆。燭盡母亦倦。有夢莫兒覓。

燦燦深房鐙。照此蘭帷垂。却坐語夜半。婦乃前致辭。謂舅頗健飯。謂姑日就衰。非無思子意。但恐新婦知。婦知豈不早。常苦告君遲。成名妾所願。事親無後時。我聞但俯首。喜懼交迫之。翻問客塗樂。欲答笑婦癡。顏色既云瘁。苦樂何見疑。杜羔或可羞。我詎王章悲。

四十初度呈遵翁舅氏三首



二十醉赤壁。三十泊姑蘇。奄忽又十載。拔宅浮江湖。不覺氣力衰。但惜歲月徂。始念亦漸泯。頽放安其愚。怒馬撫茲辰。零落夫與孤。顛風困危檣。淮水流舒舒。同舟六七子。絲竹相歡娛。既進鸕鷀杓。復啓魚蝦厨。鄉語亂四座。真意同傾輸。船窗納空曠。浩蕩來鷗鳧。酒酣一攬鏡。慨然成老夫。

母齡五十九。齒脫髮未宣。兒言戒稱老。何以嗟盛年。敢云祿命薄。自覺氣質偏。知己亦屢喪。邈矣當時賢。抱此一束書。日對家人眠。有時課兒童。孝弟為勉旃。不願去貧賤。但願無尤愆。春愁奉邱墓。揖讓執豆籩。汝曹克勝此。吾復何慕焉。

有舅過者年。腰腳比甥健。兩郎能典謁。一孫足繾綣。同居歲九易。共濟時一變。寒暄互裳衣。飢飽合饔膳。堂前友于義。頭白未云倦。勗我初度詩。厚意感深眷。豈無歸妹心。每覺自媒賤。不如偕翁去。漁釣老谿澗。人生貴自知。山林有餘戀。

### 文字四首

心與文字會。飄飄起春雲。又如春江流。波瀾了無痕。篇成覺微妙。其故亦難云。改念谿徑別。再為工拙分。平時讀書力。醞釀即漸醞。此境不易到。可為知者論。著作有時運。何況樹功勳。



魏魏淮西碑。中有萬丈光。君相力難掩。天地舒其芒。蘇文入厲禁。厄盡久益昌。後生學操觚。汲汲恐弗彰。剽賊浮泛詞。竊譽豈能長。其言本無根。夕姜奚足傷。

熟精文選理。少陵亦有言。豈謂撫浮艷。詡詡華藻間。奧義究何在。讀者多茫然。摘獵什百字。僻詭矜雕鐫。復贅雜腐晦。拗澀兼拘牽。讀之了不快。自詫千秋傳。嗚呼六朝人。何處明誣冤。

文章本性情。不自面目同。李杜韓歐蘇。異曲原同工。君子各有真。流露字句中。氣質出天稟。旨趣根心胸。誦書見其人。如對諸老翁。後賢傍門戶。摹仿優孟容。本非偉達士。真氣豈能充。各聚無識徒。奉教相推崇。之子強我讀。一卷不克終。先生何許人。細繹仍空空。

### 辯詩

唐宋皆偉人。各成一代詩。變出不得已。運會實迫之。格調苟沿襲。焉用雷同詞。宋人生唐後。開闢真難為。一代只數人。餘子故多疵。敦厚旨則同。忠孝無改移。元明不能變。非僅氣力衰。能事有止境。極詣難角奇。奈何愚賤子。唐宋分藩籬。哆口崇唐音。羊質冒虎皮。習為廓落語。死氣蒸伏屍。撐架陳氣象。桎梏立威儀。可憐餒敗物。欲伐郊



廟犧使為蘇黃僕。終日當鞭笞。七子推王李。不免貽笑嗤。况設土木形。浪擬神仙姿。李杜若生晚。亦自易矩規。寄言善學者。唐宋皆吾師。

抵建昌三首

肝水盡百盤。心目忽開朗。到岸行轉緩。灘痕滯烏榜。緯夫樂挽拽。舟人急篙槳。我忘注視勞。城廓已入想。信宿淹期程。百里苦羈鞅。短篷三人俱。局促不盈丈。鳴沙鬣船底。木葉下秋響。風物未轉移。意境頓軒爽。快哉豈吾土。欲語舌本強。洲出大橋起。日落衆山仰。乃知山水靈。足以令神往。明當買芒屨。直造飛青上。

輟棹登籃輿。一徑出橋右。石磴轉葦确。幽邨遠林透。高樓白煙隱。老屋黃茅覆。青翠壓窗戶。柴扉少人啟。田疇足耕桑。秋光滿禾豆。不關近城市。自然鮮樸陋。始知太古風。廬井自結構。瓜棚交野花。石澗瀉寒溜。行行勞顧盼。轉厭僕夫驟。百雉當面來。衰回夕陽後。

論詩雜詠三十首

老女既不嫁。機上弄七襄。騎屋吹鐵笛。肯為時世粧。魚龍欲起舞。天地相低昂。楊鐵崖手開萬鈞弩。霸才原不世。老死隆中廬。中原幾人帝。試登大將壇。叱咤風雲氣。劉青田



朱絃而疏越。一倡而三歎。自發清廟音。舒卷雲霞爛。昇平才子詞。不待躋秦漢。李東  
 徑尺無瑕璧。未雕而早碎。若使貢明堂。自是琮璜器。笙鶴凌虛遊。尚少真人氣。高青  
 我我空同山。俯視意不屑。如何干將鋒。竟為補履缺。對山能救我。終愧凌霄節。李空  
 信陽俊逸人。巾帶含風流。口汲金掌露。清氣乾坤留。老子侶韓非。畢竟非同儔。何大  
 優孟盛衣冠。自發蛟龍吟。吹笳白雪樓。不是黃鐘音。蓋棺論乃定。暴雨非商霖。李于  
 公安倡邪說。竭力攻異端。可憐無識徒。隨波揚其瀾。鬼伯主瑜珈。長夜嗟漫漫。袁公  
 蹒跚驅與蝨。步趨苦躑躅。蝸角蚊睫間。老死黑暗獄。詩人談竟陵。無藥能醫俗。鍾伯  
 荒山鳥啁啾。假託鸞鳳音。借其老僊姿。媚我嬋媛心。鄙哉二布衣。何似昭文琴。程松  
 旌旗壁壘中。亦復陳俎豆。海圖合波濤。曲折移舊繡。請看烈婦姿。不是閨房秀。陳大  
 猶存漢衣冠。風采稱長者。彈琴有遺音。設設松風瀉。試從海上游。不失成連雅。宋荔  
 蘭麝繞珠翠。美人在金屋。若使侍姬姜。未免修眉蹙。唐賢臨晉書。真意苦不足。王阮  
 譚龍語誠妙。氣象當過之。鱗鼠入牛角。邊幅窘可嗤。推崇馮定遠。故多阿好詞。趙秋  
 一代蘇辛詞。鐵板銅絃響。漫登詩人壇。敝帚千金享。駢儷簇春旗。不是天龍仗。陳迦  
 位高而金多。勢盡艸木腐。誰謂靡靡音。不畏雷門鼓。附庸稱于男。亦自列茅土。宋綿



玉齒發金聲。妙手操錦機。仙方出嶺海。孔雀東南飛。醉寫虎邱壁。奇氣何淋漓。陳元

自寫輪囷心。遂等鈎舟語。創調別唐宋。格律焉能圉。秋墳鬼嗚嗚。其聲雜風雨。倪鴻

宛雅推祭酒。亦非蓋世英。儒生設旗門。究遜李郭營。絮絮而喁喁。壯士難為情。施愚

崑崙桃花魚。二語予以傳。輟管視全豹。亦是尋常斑。漁洋贊蓮洋。宏獎何其寬。吳天

三十二應相。欲學觀自在。惜非貴重人。枉現優施態。仰首蓮臺佛。始自悔狡獪。查初

早修皮陸詞。晚入昌黎派。得失能自知。深造為晚益。五律師杜陵。老成亦堪愛。朱竹

餽飭織古錦。方幅特板重。鈍根學神仙。天馬終難控。逐節寫修篁。馬能集鸞鳳。厲太

古雅含光輝。彝鼎陳廟堂。摩挲發遐想。玉質而金相。文質其彬彬。彬越人斯有章。商寶

隨園法香山。善道意中語。照影苧蘿村。况復嫺歌舞。麻姑弄狡獪。旁有方平覩。袁子

力舉韋陀幢。大戰修羅兵。殺賊艸露布。早請終軍纓。黃馘老牖下。何處立勛名。楊鐸

阮生哭路窮。江湖入淚眼。自揮危苦詞。呼吸尚聲滿。置之郊島間。此意誰能遣。汪輦

珊珊步虛聲。語帶凌雲氣。妙悟發天機。樂府高琴嗣。如何白玉樓。却要先生記。楊子

洗伐求神仙。久絕烟火食。三山縹緲間。被服真官飾。誰憐西江社。自此宗風息。何鶴

珮玉而瓊琚。翩然貴公子。裘馬亦復都。相如美容止。置之大雅堂。唐音尚鏗爾。顧晴



述懷

憶昔誦書史。恥與經生侔。苦懷經濟心。學問潛操修。廿九通仕籍。四載登瀛洲。索米金馬門。忍飢求豆區。覲然人子心。慷慨歸來休。教授十五年。二毛須鬢秋。樂道頗相安。序列賈董儔。側聞天子語。許以名士優。感激再出山。宦海如沉浮。二豎忽相厄。未疾醫莫瘳。右體從此廢。語言為呶嘍。三年支離身。所欠土一坏。故人難往復。交親稀接酬。即今六十歲。速死吾寧愁。坐令觀物眼。出入偕庭楸。此心久厭世。何取嗜好稠。分知志節士。天地妒其尤。誓今從化去。力與鬼伯謀。他生免輪迴。日與飄風遊。

悼良姑慰簡齋前輩時簡齋病齒未愈

齒脫骨肉離。占夢為不祥。袁公病齟齬。忽痛嬌女殤。我母携我婦。昨登園中堂。夫人太夫人。歡喜相迎將。嬌女名良姑。紫鳳蟠衣裳。辮髮不冠櫛。肌膚凝雪霜。瞳人秋水波。口輔新月光。五齡解諷詠。言動固不臧。白鑿與韓擘。庶幾鴻雁行。見客遞長揖。轉聲鳴鳳皇。慰懷勝男兒。預卜門楣強。見者爭抱持。何況爺與娘。我母歸語兒。閨妹同面龐。我婦悽然言。阿寧還頡頏。我聞叩齒祝。此語勿再詳。敢將墓門艸。比並瑤池芳。三日緘封來。詩題哭阿良。舉家變色起。我誦詩琅琅。始誦尚成句。繼誦舌木僵。魚骨



體我喉。疾。蔡刺我腸。我家齊聲哭。隣人駭奔踰。我出言。因由泣者笑。者相笑者譏。過情泣者觸。悽愴。客散我入室。睡夢猶徬徨。我妻嚙而唬。阿寧戲身旁。我母起。敲火阿閏來。扶牀。又言到。隨園。往慰媳與嫜。種種成緣因。今夕何獨長。遙知哭女聲。欲撼倉山蒼。袁公作達人。愛河不可抗。勸喻總陳言。緘默懼其傷。退之告東野。強詞頗荒唐。慨作梟。蝮觀天性。毋乃戕山谷。書此詩。贊美情豈忘。失女等失子。誰得分瓦璋。所幸母孕安。馥馥幽蘭香。明年試唬聲。共飲湯餅湯。兒貌類女子。良也真子房。紛紛前後身。轉輪難測量。吉夢齒復生。編貝如東方。

七古

黃天蕩

夫人。搃。袞。擊。戰。鼓。將。軍。殺。賊。聲。如。虎。黃。天。蕩。澗。浪。排。山。金。人。膽。落。魚。游。釜。閩。士。馬。知。老。鶴。河。百。靈。縱。脫。蛟。龍。渦。厓。山。壁。立。海。濤。湧。中。原。路。絕。悲。如。何。君。不。見。和。尚。原。朱。仙。鎮。吳。岳。軍。威。天。不。順。金。山。鼓。死。戰。雲。愁。空。勞。魚。鳥。長。江。陣。將。軍。恨。逐。江。波。流。夫。人。散。髮。弄。扁。舟。西。湖。去。作。騎。驢。叟。偕。老。猶。堪。共。白。頭。

張節母詩為鉛山張湖妻黃氏作



生于黃。適于張。夫未冠。游上庠。年廿七。夫病厄。妻乞身代。夫竟亡。投繯入井。不可得。引  
頷觸地。生何望。撫孤難。死節易。任厥難。妾無嗣。小姑有女。叔有兒。妾撫育之。婚嫁之。孤  
兒漸長。老姑死。寡婦獨存。復何恃。兒娶婦。婦生孫。孫夫婦。歿兒亦淪。母遭此厄。可以死。天殛  
神罰。憑誰論。母不死。泣于天。妾志堅。天無權。妾夫何罪。至于此。宗人有子。即夫子。繼我子。  
繼我孫。枯荻再梯。續本根。啞啞庭中鳥。頭白猶將雛。雛今返。哺鳥已老。七十之年。心力  
槁。老婦何須乞壽考。張郎有後。餘生了。吁嗟乎。鄉人自請。朝廷旌節。母焉知千古名。

韓侯釣臺

太公釣致其身。子陵釣全其身。韓侯釣殺其身。釣者死。釣臺存。魚潛不深。蛟龍吞。三  
十八世姜家孫。周武王如其仁。

驅巫

巫視紛紛行。鬼教可憐不遇。西門豹呵神叱鬼。唬復咲病者驚。疑醫莫效。東隣夜半  
擊巫鼓。擾我酣眠。魂夢苦披衣。踏月登隣堂。妻孥含泣。翁卧牀。老巫搖頭作神語。手  
持龍角咒。白虎猙獰醜。怪神數層雜。以淫娃真可憎。木鸞金帖。隱旗幟。高藝本命符  
牌。鐙我裂神像。付一炬。脚踐餘灰。折弓弩。吹燈罵巫。巫疾走。賓客循牆。皆舌吐巫神。



巫鬼紛竄逐。明晨病者起。食粥胡生。師指為作。驅巫詩三日。傳誦城鄉。知前聞太守。召巫召己魂。鼓樂送巫歸廟門。吁嗟乎妖由人興。胡不聞。

### 尾畢逋

尾畢逋。城上烏。三年辛苦將一雛。羽毛漸乾雛忽死。老烏匝樹呀呀呼。我語老烏爾。勿哭。巢間尚有同栖鷄。老烏低頭作人語。同巢之雛各有母。縱能反哺。及他人。不若我雛親其親。

### 京師樂府詞十六首 錄十四

#### 弄盆子

先擲一盆當空起。再持一竿拄盆底。竿頭盆轉如旋牀。持竿之人目上視。竿竿銜尾次第續。忽直忽彎隨所使。露盤端正向天承。蓮葉偏翻任風倚。竿人舉趾飄驚鴻。疾行緩步仍從容。乃知持竿若把筆。收撒頓挫皆中鋒。有時作勢令盆滾。竿欲離盆盆自穩。暗裏抽竿盆不知。仍賸一竿相播引。以竿植地足挽之。雙手合掌不肯持。回眸視盆尚旋轉。宛若天龍獻鉢隨。禪師須臾竿繞肩左右。優曇亂開珠四走。旁人驚恐彼失笑。盆乃完全竿脫手。吁嗟乎爾作游民身手利。何不從師舞劍器。不見飛仙肉。



身名沈光。軍中共拜王鐵槍。

### 畫眉楊

小楊口伎以藝名。喉中能作百鳥聲。畫眉黃雀與白翎。啁啾求友分重輕。魚鷹掠水吹水鳴。鸚鵡嫌籠喚索鈴。鷄雛入鑿乳狗爭。狗母受撻鷄母驚。每當風日佳時使作伎。但覺花間睨睨跳擲唬新晴。鳥學人聲語言好。人為鳥聲喉舌巧。轉喉觸諱彼為誰。可謂人而不如鳥。

### 象聲

惟五尺廣七尺長。其高六尺角四方。植竿為柱布作牆。周遭著地無隙窗。一人外立一中藏。藏者屏息立者神揚揚。呼客圍坐錢入囊。各各側耳頭低昂。帷中隱隱發虛籟。正如萍末風起纒悠颺。須臾音響遞變滅。人物鳥獸之聲一一來相將。兒女喁喁暱衾枕。主客刺刺喧壺觴。鄉鄰詬詈雜鷄狗。市肆嘲謔兼馳驤。方言競作各問答。眾口嘈聒無礙妨。語入妙時却停止。事當急處偏迴翔。眾心未厭錢亂撒。殘局請終勢更張。雷轟礮擊陸渾火。萬人驚喊舉國皆奔狂。此時聽者股栗欲伏地。不知帷中一人搖唇鼓掌吐吞擊拍閒耶忙。可憐繞帷之客用耳不用目。塗說道聽亡何鄉。顛風忽



縮土囊口。寂然六幕垂蒼蒼。反舌無聲笑耳。食巧言惑聽真如簧。

### 唱檔子

作使童男變童女。窄袖弓腰態容與。暗迴青眼柳窺人。活現紅粧花解語。慙來低唱。想夫憐怨去。微歌奈何許。童心未解。夢為雲客恨無端。淚成雨。尊前一曲。一魂銷目。成眉語。師所教。鐙紅酒綠聲聲慢。促柱移絃節節高。富兒估客逞豪俠。鑄銀作錢金。鏤屑一歌脫口。一纏頭。買笑買嗔爭狎。夜闌卸妝收眼波。明朝酒客誰金多。孩提羞惡已無有。父兄貪忍終如何。君不見鶯喉一變。蛾眉一蹙。斜抱琵琶定場屋。不然去作執鞭人。車前自理當年曲。

### 戲旦

朝為俳優暮狎客。行酒鐙筵逞顏色。士夫嗜好誠未知。風氣妖邪此為極。古之嬖幸今主賓。風流相尚如情親。人前狎暱千萬狀。一客自持眾客嗔。酒闌客散壺籤促。笑伴官人花底宿。誰家稱貸買珠衫。幾處迷留僦金屋。蛞蝓轉丸含異香。燕鶯蜂蝶爭輕狂。金夫作俑媿形穢。儒雅效尤慙色莊。覲然相對生歡喜。江河日下將奚止。不道衣冠樂貴游。官妓居然是男子。



免兒耶

月中不聞杵臼聲。搗藥使者功暫停。酬庸特許享時祭。搗泥乾作千萬形。居然人身免斯首。士農工商無不有。就中簪纓竊紳黻。不道衣冠藏土偶。持錢入市兒喧譁。擔頭爭買免兒耶。長鬚開口供玩弄。可惜官人無角牙。中山盛族管城派。消得鎗筵小兒拜。漫營三窟逞雄狡。終見一朝成粉碎。君不見狸頭破敵稱上將。麀頭求官作奸相。驢頭食魚頗自豪。魁頭逐疫顏何壯。吁嗟乎。昌黎先生傳毛穎。青史弄臣皆佞幸。形容不待老。見疎纔過中秋便無影。

戲園

三面起樓下覆廊。廣庭十丈臺中央。魚鱗作瓦蔽日光。長延界畫分吟疆。僮僕虎踞豫守席。主客魚貫來觀場。充樓塞院簪履集。送珍行酒傭保忙。衣冠紛紜付典守。酒胡編記皆有章。碓刀過處雨毛血。酒肉臭時連士商。臺中奏伎出優孟。座上擊楫催壺觴。淫哇一歌眾耳側。狎昵雜陳羣目張。雷同交口贊歎起。解衣側弁號呶將。曲終人散日過午。別求市肆一飯充。飢腸我聞示奢以儉。有古訓情游侈逸。不可無隄防。近日茗飲之居亦復貯雜戲。遂令家無擔石且去尋旗槍。百日之蜡一日澤歌詠。勞



苦歲有常有。司張弛之道。宜以古為法。毋令一國之人皆若狂。

### 雞毛房

冰天雪地風如虎。裸而泣者無栖所。黃昏萬語乞三錢。雞毛房中買一眠。牛宮豕柵略相似。禾桿黍稷誰與致。雞毛作茵厚鋪地。還用雞毛織成被。從橫枕藉。軒駒滿穢。氣薰天人氣暖。安神同夢比閨房。挾纊帷氈。過煖館腹背。生羽不可翔。向風脫落肌。果高天明出街寒。蟲號自恨不如雞。有毛吁嗟乎。今夜三錢乞不得。明日官來布恩德。柳木棺中長寢息。

### 冰牀

九門一夜頗黎合。玉帶彎環抱城脚。冰牀出碾輕綃痕。舟無檣。艣車無輪。箱中坐客苦偏仄。放溜飛馳收不得。如蛇赴壑。箭出弦不利。偏頗宜正直。止水可涉。冰才能無足而來。牀氣力未煩。杯渡鴨頭波。已覺身游水。精域陸行。鬪捷車苦遲。共鼓貨狄那。得知輿夫莫漫眈眈視。且看東風解凍時。

### 開溝

井田雖壞古法留。街衢下列行水溝。道旁錯落露溝眼。積穢所入淤不流。一歲一開



夏政修。五城官役役溝頭。溝頭斂錢按門籍。溝夫畚鍤啓溝石。窈然深黑惡氣騰。往  
往溝夫死絡繹。左溝先開右溝遲。街面上作街心池。溝中穢滓汲萬斛。傾注池內日  
曝之。康莊坎坷行不得。一月車輪暫休息。官人騎馬懼昏黑。陷阱在旁君可識。左溝  
將閉右溝開。驗溝官吏次第來。疫氣流行借溝氣。月令觸犯人身災。君不見路人握  
椒相引避。掩鼻如游鮑魚肆。江南此日夏初臨。紫陌風傳蘭麝氣。

潑水卒

城內天街淨如拭。老兵潑水有常職。軟塵不飛帶餘潤。風伯揚之無氣力。汎掃反道  
見禮經。負土抱甕兼守更。司寤掌夜比都侯。宵行夜游分以星。街心除掃如鏡平。驅  
馳但許官車行。微風細雨真堪樂。坐對軍持怕久晴。

唱估衣

古廟官街各成市。估客衣裳不在笥。包囊捆載重如山。列帳當衢衣滿地。數人高立  
聲噓呵。唱衣價值如唱歌。相誇奇服極意態。千衣百裳身上過。手足將疲脣舌燥。欲  
買還看衣帶票。短長寬窄稱其身。締繡文章從所好。衣新衣舊閱人多。人往人來取  
衣較。形骸土木原可憐。牛馬襟裾或相笑。我聞東南蠶荒絲。貴人又飢機杼倚壁織。



女啼眼前道。殮盡裸葬。令我對此愁眉低。

### 縫窮婦

獨客衣單襟露肘。雪中凍裂縫裳手。檐風吹面身坐地。兒女爭開唬笑口。夫難養婦力自任。生涯十指憑一鍼。狂且或動桑濮想。蕩子戲擲秋胡金。君不見紅粉雲鬟住深院。雙手不親鍼與綫。笑他女兒性癖習。女紅窮人命薄當縫窮。

### 唱南詞

三絃掩抑平湖調。先唱灘頭與提要。高談慷慨氣麤豪。細語纏綿發忠孝。洗刷巫雲峽雨詞。宣揚却月批風貌。冠纓索絕共歡譁。玉筋交頤極傷悼。密意感人最慘悽。談言微中真神妙。君不見杭州士女垂垂手。聽詞心動鸞皇偶。父母之命禮經傳。婚姻私訂南詞月。

### 焚樓行

羅經甫名仁美。歛人居江都。繼娶龍游李。前妻遺子六齡名阿都。十三齡女名宦姑。繼妻皆撫之上。以事老姑。嗚呼李夫人。生女才一春。牙牙索乳哺。復有八月身。順治改元歲在酉。揚州孤軍不能守。四月圍城旦夕破。羅家繼妻樓下坐。命婢菊花積薪。



繞高樓。上堂拜姑。還自賀。喚夫來。聽妾言。我家婦女多。城破難盡全。君力但可負。母手携子。其餘未可累。累牽。似劉氏。女宦姑。妾梅與李。顏如花。兵來豈堪為。兵孥若輩云。何我志定。僉曰。惟夫人是聽。明日城崩西北隅。夫人一呼。眾聲應。夫猶豫。脚趑趄。子阿都牽孃裾。孃曰。事急矣。擲子投其夫。喚婢菊花急舉火。婢身入樓。足在樞。喜喜出。出半天。赤經甫負母携子出。樓中蹴踏如鼓聲。想見嬋娟焦爛急。經甫出門去。遇卒刃斫之。二指墮地。母脫離。阿都驚逸。誰得知。此時性命在呼吸。羅家狗來齧。卒衣繞。卒人立。噉卒面。卒與狗鬪。主人竄。母坐下雷塘。阿都侍母旁。狗覓經甫牽衣裳。導之見母兒心傷。明日還家撥餘燼。十三人骨相偎引。樓前一足乃焚。餘菊花左股看。奚忍吁嗟乎。西華門上埋屍處。却是南唐公主墓。此時梅花嶺畔葬衣冠。烈婦忠臣相指顧。君不見廣儲門內樊園左。中有宋姬堂。下火青天白日閃。靈旗火裏蓮開十。三朶。

石門蔡貞女詩

同郎一月生。後郎三歲死。郎死戊寅。妾辛巳。妾初心。豈如此。父母之言。妾之志。郎死戊寅。妾生亦庚申。妾心隨郎死。妾命且復存。郎訃來。投筋嘔。奔喪未能噴血斗。誰留兒。



父與母誰念兒。姑與舅呻吟牀蓐間。姑來執兒手。姑言望兒痊。姑意誠可憐。願將依戀心。繫姑衣帶間。姑云兒勿悲。深感兒志堅。遂爾同穴心。叩頭謝姑言。妾命短長術。士馬得知妾病淺。深庸醫何能為。郎葬有日矣。妾死其如歸。絕粒目乃瞑。四月四日。時皇天后土色黯慘。千人萬人涕漣漉。河城里。在石門。居者誰。蔡與田。郎名何。田雨元。貞女誰。蔡氏媛。朱陳邛。死央墳。我銘之。激勸存。

### 醉歌

前有千古。後有萬年。數十寒暑中。我忽生其間。前身後世不可識。人物鳥獸蟲沙草木。然不然。識字數不過萬。讀書卷不及千。十載竊科第。出入館閣承主恩。所識盡窮乏。所栖無一廛。鬱鬱貧病奉母去。覲顏教授居名山。道神牽我作傀儡。山靈借我為雲烟。倚樓兀然坐終日。千巖萬壑百變陰晴天。聖賢可學學者少。紛紛墨守經生言。相習俳優之文志。富貴所以古語嗟才難。朝聞官人買田宅。暮聞官人購亭園。飲食歌舞待鐘漏。汲汲厚積遺子孫。將軍死難士死綏。至尊宵旰為籌邊。忠臣孝子出至性。舉以責備難具論。葵藿托生太陽下。弱草向日心猶存。鳥欲扶搖羽翼薄。木思裁削枝節拳。數十寒暑中。我忽生其間。弱水之羽。滄海之粟。何不化去供犧薦。飲酒一斗。



亦既醉。以夢代死。誰周旋。

樓外

樓外羣山皆不去。愛與詩翁朝夕聚。有時掩面雲霧中。任我低迷無覓處。睡醒嵐翠  
偎枕函。新綠入窗霑我衫。終年相對益繾綣。半日不見如飢饒。屋廬疎密樹深淺。城  
郭周遭田近遠。風光四序樓五楹。母子六人書萬卷。酒杯一桁排闌干。全家小飲浮  
雲端。風吹笑語落街市。下界仰瞻元都壇。戒珠寺後萬竹竿。繞我樓半翔青鸞。詩翁  
老醜怕人見。却被山靈細細看。

盧孝子詩有序

南安府南康縣人盧阡字孚一郡廩生也。母病為文告天乞代哭。幾失明及母死自  
沈以殉。明日水面豎一指。家人乃得舉其屍。阡父哀之。徧丐誄詞。予憫其愚孝。作詩  
曰

我讀黃鳥之詩聲。暗吞阡哭母有黃鳥詩子殉母死古罕聞。曹娥輕生精衛泣。親非考終故  
覆溺。母歿正寢兒命隨。鷗鳧理不可知事。豈無獨抱此志明。區區請看吾鄉孝子虔  
南廬。盧生事母但欲母病甦。告天乞代淚眼枯。身餘骨筋無肌膚。天不佑母何用兒。



此軀麻衣出走赴江水。惜哉中流無一壺。精魂隨母歸庭隅。家人覓之徒趨起。打鐵灘頭豎一指。指天怨天促母死。兒身似鐵心似灘。鑄錯憑誰聚灘水。古風易降天性漓。慈烏墜地子抱枝。紛紛梟獍覩人面。未流不易求此兒。觀過知仁未宜刻。規矩人倫有繩尺。表之亦可警頑梗。矯枉寧須定矜式。

臺灣賞番圖為李西華友棠黃門作

畫旗金戟開行轅。繡衣使者來賞番。胡牀踞坐白玉山。神和氣肅春日暄。社商土目

領番眾。魚貫膜拜不敢喧。麻達未娶之番穴耳雙巨環。薩鼓薩鼓宜乃銅器如捲荷繫背頭艾纏。以番

艾纏編竹種腰捷鬪猿。以番以善走為雄幼即出艸獵也捕鹿鹿壓肩。長鉞勁箠插壺捷。

鏢弩挂腰血蝕鮮。文身花鳥臺閣緣。漆頤鑿齒相媚妍。膩新番婦美好貓番未嫁悅仙已娶

之番首飾雉翬項螺錢。含羞艸名艸颭釵梁偏。錦裁比甲達戈紋。番錦曰箭裙下遮禪前幅也

烏布縣鼻簫口琴手昨牽。婚姻以鼻簫口琴聯合曰牽手牛車看花能渺綿。渺綿訓曰飛天即秋千戲都盧囓轆

祝唐官。番呼漢人曰唐人來獻都都鞞團。棋餐團。歌聲味嚙舞翩僊。連臂踏地意態閒。使者

顧之有餘歡。聖化普徧滄瀛壖。羊酒錢布粉花烟。閒以雜珮流蘇攢。番人得賞稽

首崩厥角。心羨通事能唐言。南北各社共欣快。宣德布惠使者尊。其語感人簡不繁。



眾番翼載天王恩。我聞乾坤東港華嚴世界婆娑洋。佛書出琉球別部地勢如弓彎。荷

蘭日本據此作互市。其他佛郎呂宋雞籠淡水一一資籬樊世傳金人避元匿昆舍。

臺灣本名耕鑿竊比桃花源。顏齊劉老香殄滅鄭功朱一貴起跨海乃有施將軍。襄壯龍

混舍那碩偽鄭銅失勢七澳靖森舍成功鴨母混一貴驅游魂千頭銜鼠草雞死。鈴記中遂令

五十二區三十六島歸中原。敕置郡縣奉正朔。海色如鏡安其瀾。風艸無節飽颼

息。斷帆屈鯊虹霓刪。臺人以風艸一節則颼風一次又熟番異俗浴同川。氣候常暖

地少寒。冬菊春荷蔗滿田。女耕男饁家家築禾間。倉廩杵臼手舂百日赤。米嚼米為

麩釀法便。織毛茜草機杼巧。竊花得詈誠可憐。上元夕番女入臺人花園竊手操蟒

甲獨木吸鴉片。名烟弄潮不畏天。吳顛。孫采檳榔摘番樣。孫采檳榔即番杏也硫井金穴

生每捐。又聞生番殺人髑髏用金飾。雞距傀儡皆生尤毒獾。一耳為衾一耳簞。形狀

獐惡同神姦。暗洋一歲一晝夜。墨洋如舵不可舷。當今聲教訖海外。鯤身鹿耳恩

澤寬。險礁沙綫伏蛟蜃。使者穩坐巡臺船。尾樓一鎧帆倚天。登檣下碇恃亞班。海人

班曰亞洋更十下香甲煎。放洋炷香為夜赤嵌一點天水連。郡城為近聞番俗漸文雅。

童艸各能守一編。鵝筒筆寫紅毛字。七夕硃犬長揖魁星前。番女障面出擁蓋。幼者



讓路長則先。春耕齊聽鳥音吉。番以鳥音卜吉凶勸農使者乃至李氏東郊園。鐵綫橋南亦

多雨。雨多在橋北優曇貝多花麗娟。居室恬熙若內地。使臣不貪守令賢。黃門先生

小臨川。口銜鳳詔海外居三年。六公采風之圖黃公使槎錄。臺灣既平黃公叔璣

海使槎錄後滿洲黃門公六十拾遺補缺著述嫻海神力可御風浪。變滅百怪操微權。七亦奉是使著臺灣采風圖

鯤鵬擊運眼界闊。潮雞警旦忽下扶桑顛。畫中面目本來相。歸來展看精神全。只恐

臺人亦解摹。張騫番兒還鑄冰霜顏。為君作詩效蠡測。補入裸人叢笑篇。孫公元衡巡臺著裸

人叢笑篇

### 七絕

#### 燕子磯書宏濟寺壁

山水爭留文字緣。腳根猶帶九州烟。現身莫問三生事。我到人間廿四年。

#### 茂苑

苑茂凋零麋鹿場。梧官秋老舞臺荒。穠花野水要離墓。一種青山怨夕陽。

#### 五人墓

斷首猶能作鬼雄。精靈白日走悲風。要離碧血專諸骨。義士相望恨略同。



什邡令胡君書巢入蜀紀行詩題後三首

蠶叢奇險入雕鏤。大筆真能挽萬牛。若向詩壇拜茅土。也須封作什邡侯。  
上界題詩下界聽。江猿峽鳥叫宜冥。淋漓墨染千尋壁。抹倒張郎劔閣銘。  
羣山萬壑指螺收。如展圖經續卧游。毛髮開張看險語。頭風痞瘡一齊瘳。

金陵雜詠三首

石城艇子去難還。衰柳金城未忍攀。消受孫郎樓上坐。三山吹冷酒杯閒。  
不取金陵誓不回。袈裟潛遁有餘哀。成王何在周公死。羞殺兒孫又北來。  
豈有君臣說中興。滿城花月唱春鐙。風流略似清談後。秋艸茫茫十一陵。

卜居四首

半窗紅雪一樓書。廿載辛勤有此廬。不肯被他猿鶴笑。移家來就北山居。  
鍾山真作我家山。揀得行窩靜掩關。洗去六朝金粉氣。展開屏障畫烟鬟。  
檐端十廟古壇遺。屋後臺城壞殿基。讓與爭墩兩安石。家門只傍蔣侯祠。  
寓公庭院四時春。釀酒栽花媚我親。藏過頭銜署新號。雞鳴埭下老詩人。

題荆公集後二首



許國知人事本難。豺狼反噬可心寒。憐他一代斯文友。說到功名白眼看。  
千鈞筆力氣嶙峋。一代文章侍從臣。却怪當時枚卜錯。從來相業恕庸人。

題少司農袁漫士先生舊照九首

馨膳南陔愛日長。家人和樂母康強。朝衫肩袖鑪烟暈。半漬飴香半乳香。

尚食携歸佐壽杯。分甘真喜衆孫來。願摹彩鳳將雛意。常博高堂笑口開。

采衣繡祿慶繩繩。瓜瓞披圖信有徵。子抱童孫孫抱子。卅年添寫到雲仍。右抱兒侍母圖三首

昔年加飯弟兄心。宦稿聯珠對賞音。不用西堂夢春草。謝家詩意滿秋林。

清如雙鶴戲林阿。退食肩隨語笑和。未讀彭城對牀夜。秋聲還雨聲多。

曾聽溫公拊背詞。天真豁露樂怡怡。可知勸飯添衣意。更勝推梨讓棗時。

人琴悽惻畫圖懸。掩卷重思雁序連。歸遣生徒說詩傳。定應藏過春令篇。右秋林競爽圖四首

遷喬要擇水千尋。全樹真教借上林。臺省廿年交稷契。出山應慰在山心。

蒼顏比較益冲和。歲月堂堂展卷過。料得歸尋釣游處。當時新柳十圍多。右求友圖二首

響標廊二首

寵到雙趺事亦新。笑他褒妲尚猶人。潘家蓮瓣楊家襪。總與西施步後塵。



不重雄封重豔情。遺蹤猶自慕傾城。憐伊幾兩平生屐。踏碎山河是此聲。

山塘曲二首

舞榭歌樓處處春。溫柔鄉裏醉橫陳。生來國俗耽游冶。曾擲金錢看美人。  
九曲珠闌七里塘。四時花月護鴛鴦。如何軟玉溫香國。尚有梁鴻對孟光。

董恒巖太守芝龕記題詞五首錄三

降旗獵獵走蟲沙。不見宗耶與岳耶。畫出美人名馬像。寶刀如雪滾桃花。  
督師衮衮少長城。養賊寧南死負君。可惜官家相見晚。中原誰似女將軍。  
豈有摩崖片石傳。讓人開國畫凌烟。紅顏不具封侯骨。老向蓮華證上仙。

題王梓園畫冊二首

蘭湯新浴沃芳魂。觸忿勞他置酒尊。鉏却將離裁夜合。有情花亦愛黃昏。合昏  
低叢大葉翠離離。白玉搔頭放幾枝。分付涼風勤約束。不宜開到十分時。玉簪

無題二首

官柳琅邪本易攀。長條踈地惜春殘。如何解作漫天絮。不點玉孫八寶鞍。  
紅酣綠瘦小庭芳。乳燕鳴鳩取次狂。不信桃花人影亂。反令仙犬吠劉郎。



袁忠觀三首

龍蛇走壁勢縱橫。石鏡冠裳氣尚生。不是當時妙音院。綠楊鶯語尚關情。  
自知骨相輸劉季。聊以功名比竇融。一笑歸排衣錦宴。笑他臺上醉歌風。  
雄才大節古無雙。氣壓江湖百怪降。食客三千州十四。勝侂稱帝海南邦。

題王石谷畫冊十二首錄二

柴桑手植柳陰成。未許漁郎問姓名。不與秦人書甲子。桃花年命自長生。  
孤亭危坐意蕭然。千尺松濤響亂泉。可惜隆中卧龍子。肯將丞相換神仙。

田園主人畫治春詩社圖即阮亭司理紅橋修禊處既為作記綴詩十二首

難覓風流杜牧之。綠楊城郭故參差。如何一片紅橋水。腸斷漁陽七字詩。  
廿四橋邊擘錦箋。十三樓上試箏絃。畫船簫鼓都如舊。不見詩人百九年。  
迦陵詩筆自縱橫。昭令歌詞引曼聲。却要東塘誇後勁。烟花惆悵讓多情。  
濟南久荒名士軒。如皋已廢辟疆園。治春猶是風騷地。粉蝶黃鸝莫鬧喧。  
嬉春多少踏謠娘。五烈靈風繞蜀岡。一種桃花學人面。隔船吹過酒痕香。  
誰與歐蘇可比肩。鄉人眊矚祀三賢。專祠合鑄紅橋像。一盞寒泉薦水仙。



瞥眼雲烟論定時。文章漁獵鬼神知。墓田孤負揚州好。誰立生前短簿祠。

探花文王君前此啟春筵。御史魯君風流太守陳君賢。更約邊掄袁鑿兩觀察。累他名

官作神仙。

新月嬋娟恰上弦。玉山頽後照人偏。多情只有金夫子。兆燕一醉花前一惘然。

仕女傾城秉燭游。人生只合醉揚州。衣香鬢影年年換。只恐看花易白頭。

柳陌花谿過眼空。苦將泥雪印飛鴻。幾人閉戶眠春晝。夢入千巖萬壑中。

苦道今人憶古人。酒闌歌散亦傷神。田家園子無多地。占斷紅橋一角春。

五律

妙高臺

俯瞰秋無際。羣峰列短屏。鶻盤山翠濕。龍挾海潮腥。花雨開鐘梵。神風語塔鈴。帝閭知不遠。誰與叩青冥。

隆平晤袁雨辰文渙邑令書縣齋壁二首

入境民風古。登堂吏事修。宰官清似佛。衙舍澹於秋。自卻妻孥累。明知父母謀。公餘愛枯坐。讀罷一登樓。



身世想寥落感中年。

湖上晚歸

濕雲鴉背重。野寺出新晴。敗葉存秋氣。寒鐘過雨聲。半檐羣鳥入。深樹一燈明。獵獵西風勁。湖心月乍生。

送帥藥房光祖還奉新

半載局蕭寺。清齋却掃餘。老堅求道力。窮不上人書。對爾為心服。茲行逼歲除。栖栖成獨返。辛苦賦歸與。

願作東風暖。相從解凍顏。征衣存短褐。老伴得江山。雪喜人孤潔。梅知鶴往還。詩書留大藥。能轉鬢毛斑。

守風話田舍

顛風纔斷渡。江勢欲沉山。村小逢人瘦。林疎坐鳥閒。瓜壺留客飯。耕鑿念時艱。旅食吾差樂。刀頭莫看環。

霽雪曉行

凍雲留曉日。孤寺不曾開。雪屋寒光定。山風虎力迴。谷深羣響合。筇健一僧來。爭似



茅檐底呼兒索酒杯。

天鏡樓秋夕

寺聲喧夜極。山館得秋多。節序催寒至。文章奈病何。越巫通夕舞。國俗滿城歌。并入愁人耳。蕭蕭鬢欲皤。

盡室

酒渴除風幔。冒懸讓客舟。驟寒鴉徙樹。久雨葉知秋。白鷺團烟渚。丹楓轉寺樓。有生皆自得。盡室苦沉浮。

梅花二首

節序黯無色。此花開獨妍。流芳當歲暮。得氣在春先。雪豈能為力。香原出自然。橫斜堪一笑。何補朔風天。

松竹苦相友。江山寒有情。孤高雖遠俗。晚達究何成。不死根長屈。無花性亦貞。請看生葉後。還有子調羹。

漫興十一首

糴米人歸市。持錢客趁墟。筠籠剖文蛤。絲網出刀魚。社散鴉銜肉。秧齊叟荷鋤。柴門



老妻待繩戶上鐙初

船艙寬八尺。揖讓足盤桓。習禮陳儀簡。談詩逐字安。諸孫羅俎豆。幼子燦衣冠。只此當兒戲。鐙前興未闌。

識字疑難過。譚元奧義申。僕新猜語誤。婢黠翦鐙頻。不寐前愆省。方人古誼循。倫常多苦趣。所在看參辰。

曉暮添衣便。年衰怯嫩寒。川涂防感觸。眠食要平安。邸報傳聞過。家書邂逅看。不知新病減。細數藥艱難。

萬事俱拋擲。箋疏食憲章。魚蝦隨意買。蔬筍過時嘗。冷淡逢邨市。郵籤報水鄉。濯纓殊未便。吾欲問滄浪。

省識佳山水。圖之當卧遊。菊花時命酒。楓葉最宜秋。新膾從人所。深枯對影酬。醉中天空闊。老矣復何求。

豆棚堪雜坐。濁酒對花斟。樵牧來從便。雞豚會可尋。邨閒知事簡。俗厚畏人深。野菜堪生食。無煩漑釜鬻。

糧艘銜尾至。邪許接聲呼。挂席煩津吏。攤錢戲闍夫。醫蠻僧賣藥。酒薄女當壚。門徑



誰家僻。屠沽取醉無。

佳日愁難破。華筵醉不辭。更番腰鼓韻。十索女郎詞。渴後呼盤露。酣來舞柘枝。留連亦無奈。歌管故遲遲。

說鬼荒唐甚。無稽最可聽。不知為嘯語。似見走精靈。月地花留艷。陰房火獨青。曲終人已去。虛說玉瓏玲。

年華頗惆悵。塵劫苦難完。落絮因緣比。搏沙聚散觀。有情根本鈍。速朽道途寬。識相皆無著。虛空細與看。

雨夕偕輦雲家禹立兄同作二首

雨急天低野。林空葉打衣。蟲聲爭氣候。酒意入深微。片月在懷抱。一鐙含道機。山僧他日坐。應歎足音稀。

暫依雙樹宿。如在亂山中。客子無他。想郊原自古。風地偏花。木好天闊。雨雲空。不信連牀夕。關山有斷鴻。

哭楊子載四首

與子三年別。歸來哭寢門。遺孤不解痛。老母獨招魂。壓衆才無敵。成仙位自尊。墓碑



書選士窮死亦君恩。

世祿多年絕公田。八口收別開文字祖。敢為播遷愁蜀道。無冤魄青門失。故侯魂歸先隴下。垂涕國殤邱。

九歲負才名。詩成牧伯驚。天教將門子。來作魯諸生。我亦今詞客。歸棲古灌城。十年兄弟友。如此對銘旌。

傳家存典籍。會葬有詩人。白馬來何暮。西州感獨真。扶持慙古義。去住等勞薪。安得分餘粟。為君養老親。

七律

琵琶亭別唐蝸寄使君

小立疎林落葉屯。白頭扶杖倚雙孫。僧無俗韻邀同坐。秋在漁舟喚到門。老樹四圍虛閣隱。晴嵐一綫大江吞。青衫我亦多情者。不向東流落淚痕。

潤州小泊

孤城浪打朔風驕。鐵鎖陰陰鎖麗譙。微雨夜沽京口酒。大江橫截廣陵潮。船膠涸水帆俱落。人擊層冰凍未消。小泊不妨侵曉去。海門寒日射金焦。



謝文節祠

欖槍倒指逼孤城。破堞倉皇尚募兵。患難與人堅氣節。興亡何地著功名。麻衣痛哭諸陵改。鐵鑠銷沉半壁傾。三復遺書悲却聘。至今心事日光明。

薦福寺

古刹蕭然冷劫灰。殘碑何處偃蒼苔。不關天地非奇困。能動風雷亦異才。佛子堂空香雨散。英雄墳老野花開。白楊堆盡無封鬣。寒食憑誰展墓臺。

隱仙菴聽鶴雛道士彈琴並讀龔鑿戍友題壁諸詩有感二首

雲房蕭瑟石壇閒。有客尋幽扣竹關。竈火溫茶正熟。羽衣人去鶴難還。神仙已化絲桐在。竺道士弟子能詩操縵嫻。徒倚中庭雙桂樹。古音盈耳借舒顏。

壁上書留舊墨痕。故人消息共誰論。家饒田宅為身累。士解悲歌是病根。天與高才知不死。詩多奇氣定長存。無因買屋居陽羨。為爾親調藥鼎溫。

喜晤袁簡齋前輩即次見懷舊韻

未見相憐已十分。江山題徧始逢君。榮枯總是同岑樹。舒卷俱成入岫雲。花野留春知冷暖。宰官藏影悟聲聞。微輸彩裏承歡後。消受金鑪換夕熏。



自杭州赴潤州塗次口號

七百程途一葉船。艣聲伊軋客安眠。雲山熟比知交會。城市看如壁畫懸。見慣風光題句。懶習歸魂夢到家。先如何半載飄零意。較勝當時別數年。

潤州小泊

孤城浪打朔風驕。鐵鑿陰陰鏢麗譙。微雨夜沽京口酒。大江橫截廣陵潮。船膠涸水帆俱落。人擊層冰凍未消。小泊不妨侵曉去。海門寒日射金焦。

秦淮書酒家壁

不見紅闌長板橋。秋光狼藉欲魂銷。斜陽在水愁孤燕。殘柳當門怨六朝。舊院瓦堆僧賣酒。丁家樓毀鬼吹簫。美人黃土銜船散。金粉原來易寂寥。

河口天池菴二首

隔江僧寺影如橋。喚渡聲浮綠半篙。閒客自來漁艇入。童山中斷佛樓高。半規石骨神曾鑿。一匊寒泉月可撈。贏得魚龍潭底拜。五更殘月叫蒲牢。

一雨芒屨萬里行。少年蓬轉亦堪驚。名山別後都成夢。此地初來大有情。水檻燈明留客坐。春田鳥過喚僧耕。他時名宦誰拋得。試問圓蒲作麼生。



謁張睢陽廟二首

月中聞笛倚山樓。按劍悲歌凜若秋。軍令驚看郎將面。民心知重國家餽。百夫忍餓捐生易。數齒空存扶視休。厲鬼可為終殺賊。寶刀先斷賀蘭頭。

金吾謝表字淋漓。主辱當臣致命時。餘事讀書能熟誦。傷心出陣尚裁詩。生平博雅于嵩見。死後勲勞李翰知。三十六人多少恨。一聲南八是男兒。

江程二首錄一

郵籤底借報江程。閒聽兒童數地名。春暖攜家無客況。日長消睡有書聲。羣山咲對如賓友。古哲神交亦弟兄。忽漫懷人渺天末。踈庸真覺世緣輕。

題黃荃仕女戲效香奩體六首

神仙眷屬水晶屏。並坐隨肩學誦經。願化彩雲偎弄玉。偏尋錦瑟叩湘靈。閨風可畏寒拌忍。明月無聲夜獨聽。遮莫情多心不死。薄嗔微怒任丁寧。

殘妝半面暈啼痕。綦縞非同隱市門。鏡合應償難了願。珠沉翻斷欲銷魂。浣餘紗綫貧將母。拍徧笳聲老受恩。只怪朱顏憔悴極。牽蘿辛苦向誰論。

遠山眉黛鵲華舒。一笑曾褰百寶車。索看手文朝盥後。戲牽裙縷晚風餘。雙聲又誤



仙郎顧散髮。何堪阿母梳。熟誦心經重。憾悔那知愁。熱病相如慙。  
并纓初上翠鴉盤。對鏡妝成不自看。羅襪生塵容我賦。玉釵微醉挂  
臣冠。紅蕉紋窄書何密。修竹風和倚却安。底事三年壓金綫。尚須惆悵  
嫁衣難。懶  
盈盈年紀試妝新。眉翠纔添粉未勻。花靨半舒仍匿笑。眼波微漾却  
迴身。藏嬌有待終迎汝。記曲能多或殢人。聽徹玉簫渾不寐。可能騎鳳  
一歸秦。眠  
相悅相憐姊妹行。寒宵驀忽遠相望。靈風定送憑虛影。好月宜窺絕世  
妝。醒易睡難教輾轉。愁多歡少耐思量。導師解證三生事。却恨雲窗隱  
曲房。憶

### 登靈巖山

越嶺爭燒赤堇銅。吳山大起館娃宮。從來莫氣須行樂。但有驕心已伏  
戎。相國死懸雙血淚。大王生是一英雄。盈庭豈便謀臣盡。不及當時太宰  
忠。

### 重九夜泊黃沙港

揀取鷗沙繫短舟。添衣來領晚風柔。好山歷亂飛黃葉。殘夢分明記小  
樓。水碓無人狐拜月。暮江如酒客悲秋。挑燈偶作西崑詠。年少因何有旅  
愁。

### 梅花嶺弔史閣部



號令難安四鎮強。甘同馬革自沈湘。生無君相興南國。死有衣冠葬北邙。碧血自封心更赤。梅花人拜土俱香。九原若遇左忠毅。相向留都哭戰場。

南池杜少陵祠堂

先生不僅是詩人。薄宦沈淪稷契身。獨向亂離憂社稷。直將歌哭老風塵。諸侯賓客猶相忌。信史文章自有真。一飯何曾忘君父。可憐儒士作忠臣。

困雨戲作二首

重檐忽散千條練。小院平添一斗泥。穉子褰裳愁滅沒。家人裹足隔東西。牆如壞堞留三版。屋比荒田恃一隄。較可阻風船上坐。碧油簾下少鳧鷖。

熟梅天氣故鄉邨。那及連朝濕霧屯。車泛九衢塵似海。客來深巷水封門。堂坳自具江湖勢。屋漏都懸篆籀痕。夜火星星出窗戶。小池涵泳破黃昏。

述懷二首

久將泥絮比風清。幻影空花雜想平。到眼春雲何處止。閉門秋氣有時生。才多畢竟歸才盡。宦薄終難望宦成。飽食晏眠成坐廢。幾人身後得高名。

醉夢虛聲未可居。百年勢盡等焚如。高談道學能欺世。纔見方隅敢著書。茶薺苦甘



生有數。蜣蟬清濁事皆虛。三年窮到無錐立。慚媿先生鼠壤蔬。

雨中戲答澹人次韻二首

不知蟻蠓能行雨。只有顛當為守關。寂處心同依密友。閉門人各在深山。蝸方伸縮  
蘇苔上。蠹已死。生文字間。一任霉痕染衫袖。墨花狼藉不成斑。

高懷君果澹如菊。瘦骨我原孤似山。不信傾城悅名士。欲開明鏡看了鬟。將來何處  
得愁盡。說到有情俱涕潛。多謝更番寄新句。居然破我作詩慳。

送李載菴敬躋同年出塞省親二首

三年兩度出關行。短後衣塵匹馬輕。萬里穹廬親舍遠。九邊沙磧塞雲平。草低大漠  
牛羊見。人獵長城虎豹驚。併入天涯游子目。據鞍凝睇不勝情。

羶帳燈明忽作花。白頭低照鬢絲斜。征人出塞依行李。戍客愆期感及瓜。歸夢南飄  
思骨肉。臣心老去戀京華。那知雪捲龍堆外。重見飛來反哺雛。

寄懷廣豐徐穉亭進士二首

燕雲細碎雁分離。苦為徐陵作遠思。一第還山無限好。十年從政豈嫌遲。讀書生趣  
家人共。種豆閒情處士知。却愧難齋磨鏡具。為君藏過蓼莪詩。



少年結習等兒癡。雪案寬閒可得師。入道須除才子氣。名家休作女郎詩。吾生進退安寥寂。天意蒼茫雜信疑。難乞樵風送柔艣。三年消受鬢低垂。

揚州二首

苦將絃管鬪繁華。酒舫燈筵未有涯。暮氣凝來開夜市。南風吹去長瓊花。金剛穢跡分淫祀。碧玉梳梳迎小家。十日兵戈暗回首。綠楊淒繞舊隄斜。

金縷衣成唱曉風。翩翩蝴蝶戀殘紅。頭低牛從雞尸外。氣盡歌兒舞女中。馮婦下車誰解笑。齊人上甸各稱雄。年來數點隨身淚。洒向平山弔醉翁。

略記

略記兒時病不勝。可堪慈母耐凌兢。鎗微夜怯釵蟲化。鑪冷衣懸淚雨冰。力瘁劬勞衰故早。老無甘旨累相仍。朝衫黯澹今為父。只是無言枕曲肱。

蔡中郎

竹老柯亭鳳不來。笛材收取伴琴材。交情只有曹瞞重。知己難為董卓哀。蠶室誰寬子長死。權門終累馬融才。孝娥碑在緹縈遠。忍聽胡笳塞上回。

謝蒼崖丈西堂小飲三首



授餐適館賦縞衣。倒屣翻令薄俗疑。冠蓋悠悠客來去。簾櫳寂寂燕差池。銜杯有得自懷古。開眼笑看人奕棋。老樹生香石生蘚。兀然情況許誰知。既醉還醒老嬾身。不求聞達不沈淪。浮雲過眼半為雨。明月在天來照人。諧俗何妨等兒戲。哦詩差可任天真。紅燈綠酒多拋擲。只與羣公了夙因。戴笠乘軒廿載經。魚龍傀儡各縱橫。漸知感慨太無謂。但覺江山都有情。海內名公多遠別。天南小吏頗相輕。市中著屐吾猶慣。不用等閒知姓名。

### 山村

滿地閒雲十畝桑。茅茨宮觀互遮藏。一條古碕積黃葉。三面小樓收夕陽。野客衣冠可圖畫。道人顏鬢各青蒼。柴門齊掩鳥聲定。暝色半山鐘磬長。

### 春雪

龍工試手翦霜毛。恰共春霖潤土膏。但入田疇滋黍稷。草歸江海助波濤。危峰暫失青千仞。洄渚旋添綠半篙。欲敵新寒借邛酒。莫天空濶一魚舠。

### 燭花二首

豈共朝華落繡茵。銅盤芳苒晚來新。孤根自結何須地。長夜能開不待春。一寸纏綿



心轉熱。五更風雨恨。應顰更闌莫漫敲。碁子留照清狂淺醉人。  
飄來終是不成茵。頃刻疑隨幻術新。黃葉寺中千里夜。晚風樓上。  
一分春。紗籠為爾移身。護羅帳。嗔他背面顰。狼藉鏡臺簪得否。  
曉粧辜負未眠人。


再晤吳鑑南刺史有懷程魚門晋芳二首

越王臺畔別。息息遠夢新。愁一笑空十里。珠簾花影外。二分明月酒杯中。  
東流水。健山如馬北。向帆輕客似鴻。惆悵竹西芳艸路。笙歌不見紫髯翁。  
烟花三月雨。溟溟醉煞揚州酒。不醒江左文章諸老盡。淮南鐘鼓兩人聽。  
玉簫嗚咽。橋難倚。金氣消磨鶴尚停。收取春光入行篋。來朝七十五長亭。



蔣心餘詩選終

中華民國陸拾柒年伍月拾捌日贈





上海文書局發行

原 版 影 印

歷 代 詩 話

全 十  
六 冊

價 洋  
六 元

本 書 之 著 者

宋強幼安	宋葉少蘊	宋許顓	宋呂本中	宋周紫芝	宋魏泰	宋陳師道	宋劉攽	宋司馬光	宋歐陽修	宋尤袤	唐司空圖	唐釋皎然	梁鐘嶸
清何文煥	明顧元慶	明朱承爵	明王世懋	明徐楨卿	元范梈	元范梈	宋楊載	宋蔣正子	宋嚴羽	宋姜夔	宋周必大	宋葛立方	宋張表臣

現 代 十 大 家 詩 鈔

全書四冊 價洋六角

風雅道衰海內詩人屈指可數輯錄十家或宗法漢魏或胎息唐宋淵源所在自成派別取法貴近請讀此編

八 代 詩 箋 精 華 錄 評 註

全書二冊 價洋一元

此爲丁福保先生所輯自漢魏以迄隋代採擷精華誠如序中所云博而不蕪簡而不陋評註箋語亦頗繁富

各 省 中 華 書 局 代 售





0470471

